

**РЕСПУБЛИКАҪЫН КОЛӖ
ӖТУВТЧЫНЫ ВЬЛЬ
ПОДУВ ВЬЛЫН**

2020-Ӗд во

МЫЙЛА КОЛӨ ÖТУВТЧЫНЫ?

Коми республикаын оласногыс öтарö лёкмö. Быд социальной юкöнын. Экономикаын и экологияын и овмöсын.

Но торйöн ыджыд öдөн бырö чужан кыв, кодi лоö государственностьлөн (канлунлөн) подулөн. А мыйла бырö? Помкаыс уна, позьö вель дыр висьтавыны. Помкаясыс кызд шуласны и объективной сюрöса, и субъективной.

Объективнойыс гөгөрвоана, – йитчöма Россияын дыр кад чöж нуодсьыс рочмöдан политикакөд.

Та вöсна кызвынсö гига субъективнойяс йылысь.

Мый колö вöчны, медым вежны серпассö бурлань? Унатор колö. Но тайö брошюраас вөрзьöда сöмын öти визьтор. Стöча кө, подулала, мыйла колö миян республикаын котыртны выль политической ютыр.

Кодсюрö тöдöмысь юалас, мыйла сийö колö, кор эмöсь и «Коми войтыр» öтмунöс, и «Дорьям асьнымöс», оз öмöй тырмы? И мыйöн кутас выль котырыс наысь торьявны?

Помкаыс сыын, мый политикаын медглавнойыс абу национальностыын, ни весиг абу кывйын, а идеология-туйвизыын. Идеологияын лöсялöмын либö не лöсялöмын, лöсявтöмын и петкөдсьö ставыс. Буретш танi медтöдчанаторйыс.

Öкүрат идеологической подувьяс дзик разнойöсь.

«Коми войтыр» да «Дорьям асьнымöс» – общественно-политической «öбича»-ру сертиыс этнической движенияс-öтмунöмьяс. Көть найöс шулöны национальнойöн, но правильной, олöмыслы лöсяланаджык лоö нимтны кө найöс «этническойöн». Буретш этносын найö корсьöны легитимизациясö.

А национальной элитанас должен лоны республикаса власть, Гапликов, кансöвет, правительство Көть эськö и должен, но оз пöртны олöмö могсö. А «Коми войтыр» да «Дорьям асьнымöс» – этнической элитаяс, сы вöсна мый йитчöмаöсь этноскөд. Көть и босьтлöны ас пельпом вылас национальной сюрöссö, но кызвынсö мода вылас.

Сэж жё кор элитаяс этнической, то коми кыв век кольо национальнӧн. Мыйла тадзи, коми кыв – национальнӧй, а коми элитаяс – этнической? Быттьӧ лӧсвятӧмтор. Помкаыс сыын, мый коми кывлӧн статусыс пыртсьӧ дзоньнас республика пасьтала, сийӧ канлун-государственностыӧн подув, а КВ да ДА – абу, тайӧяс апеллируютӧны сӧмын этнослӧн корӧм-кӧсйӧмгясӧ. Стӧчджыка кӧ шуны, а корӧм-кӧсйӧмгясӧ, абу интересгясӧ, а инстинктгясӧ. Аддзыны лов пытшкыс, психологиясыс мыйкӧ, ог тӧд кызди шуны? Вез-сунис сяматор да ворӧдны, садьмӧдны, а сэсся бергӧдны асладорӧ, медым позис ыджыдавы, Ӧтувтны сідзи, кызди аслыд кивыв.

«КОМИ ВОЙТЫР» ДА «ДОРЬЯМ АСЬНЫМӦС» ӦВТЫШТЧИСНЫ КОМИ КЫВЙЫСЬ

Тайӧ кыкнан организациясыс паныдӧсь, медым сӧвмис коми кыв. Сы вӧсна, мый паныдӧсь сылы ӧтка кана статус сетӧмлы.

Мый налы колӧ? Мед вӧлі налы сӧмын кокныд да лӧсьыд. Слӧймӧдчыны артмӧм ситуация дорас да корсьны майбырлун да привелегиясыс. Непрофессионализмсӧ зильӧны компенсирйтны этничность-национальностыӧн.

Мыйджык чужӧмбаналӧ «Коми войтыр»? Мыйся быдтас тайӧ? Тайӧ позьӧ кӧ тадзи шуны этнической бюрократиялӧн профсоюз. Кодлӧн могыс сибӧдчыны власть бердӧ, шедӧдны правительстоын креслӧяс, виччысьны кор шыбытыштасны лытор, пируйтан пызан вывсьыс коляссӧ. «Коми войтыр» позьӧ шуны куліс, юрнимыс эм, а лолыс петіс.

А «Дорьям асьнымӧс» – абу ютыр ни абу движение, ютырнас шуа привычка серти, тайӧ группировка, ӧтчукӧр, кодлӧң претензиясыс рамджыкӧсь, тышкасьӧ оз нин креслӧяс, а улӧсьяс вӧсна, – мӧвпалӧ буретш «Коми войтырас» босьтны мандатгяс да пост-должностгяс. Тайӧс вӧсьса текстӧн «Сизимысь сизим» 7x7 сайт вылын интернетын висьталіс ДА-са выль нырщик Сергей Елфимов.

Оти кывйӧн кӧ налы колӧ власть.

А выль ютырлӧн шӧр могыс, – тышкасьны абу власть вӧсна, сійӧ мянлы оз ков, а идеологическӧй да нравственнӧй ценность- донаторьяс вӧсна.

Идеологическӧй боксянь кӧ видзӧдлыны, то «Коми войтырлӧн» абу идеологияыс, либӧ поэӧ кӧ тадзи шуны, разнӧй идеологияслӧн гибрид-гудраланатор, разі-пели ӧтлаӧдӧм чукӧр. «Дорьям асьнымӧслӧн» эм идеологияыс – этно-консерватизм, а артавны кӧ Митюшева да Красильникова кадясӧ, то и расизм.

Налы чужан кыв оз ков. Кор нуӧдсьӧ вензьӧм, кывйтӧ дорйӧны куш мода вылас, некытчӧ туйтӧм аргументьяс вайӧдӧмӧн, сідзи, быттьӧкӧ вӧчӧны мустӧм удж, обязанность кодӧс налы кӧвъялісны, кыз шуласны, отработывайтӧны номер сцена вылын артист моз. Абу кивыв, водзӧссӧ он перйы, – популизм оз-оз да петкӧдчӧ.

А выль ютыр мед кӧть рейтингыс плинтусысь улӧджык уяс, та вылӧ видзӧдтӧг кутас дорйыны национальнӧй донаторсӧ. Медглавнӧйыс – принципын, а абу кокни олӧм да кивывлун корсьӧмын. Сійӧ, коді рейтинг ради да кад-кежся выгӧда могысь вузалӧ югид мӧвпсӧ, `ворссяс. Быть ворссяс, оз матысса кадӧ, а бӧръявыв, историческӧя, кадколаст мысти.

КОЛӧ ВЫЛЬ ЮТЫР. МЫЙЛА?

Ме вӧзя котырtnы выль ютыр, коді нырвизь сертиыс сулавны кутас политическӧй спектрлӧн мӧдар пельӧсас. Водзмӧстчыны мӧд ног, вӧзйыны мӧд петан туй.

Дерт жӧ петкӧдчасны йӧз, кодьяс кутасны элясьны, тайӧ пӧ лоӧ юксьӧмӧн, мыйла нӧ пӧ колӧ юксьынысӧ комияслы, кодьяс сідз нин коньӧр выйынӧсь, оз ӧмӧй поэь ставлы ӧтутвчыны ӧти котырӧ?

Вочавидза, поэӧ. Но бӧртас-помшуӧмыс сэтшӧм жӧ лоас, кутшӧм вӧлі КПСС-кӧд. Политикалӧн кыз деятельностьлӧн бурторйыс конкуренцияын, вензьӧмын. Дерт, лючка кӧ нуӧдсьӧ тышыс. Мирса медся сӧвмӧм

канангъяс да обществояс буретш найö, коні зэв ёся нуöдсьö политическöй конкуренция. Медвойдöр вензьöм сетö позянлун адзыны бурджык петан туйсö.

Выль ютырсö колö лöсьöдны кöть нин сы понда, мый «Коми войтыр» да «Дорьям асьнымöс» конйыштчисны, дзикöдз кöтöдiсны асьыныс репутациясö.

* * *

Чужасны юалöмгъяс, мыйся тайö ютыр? Кутшöм моггъяс? Мыйöн должен торъявны мукöдсьыс? Да и Россияын запретитöма (непозьöсалöма (меөн возьян неологизм) котыртавны региональнöй ютыргъяс.

Ме лыддя, мый колö видзöдны водзö да вöчавны воськовгъяссö аскиалунсö тöд вылö босьтöмөн. Россияын водз ли сёр вежгъяс политическöй серпасыс. Та вöсна колö дасьтысьны водзгъыв. Медым виччысьтöмторыс эз вайöд шöйöвошöмöдз.

Гөгöрвоана, партиягъяс вермас уджавны сöмын система вежсьöм бöрын и та понда сийö должен кутшöмкö кад овны кыз шуласны эмбриональнöй тэчасногын, муын куйлысь кöйдыс сяма ногөн. А политическöй эрдас петкöдчыны лöсялана здукö, кор воссясны позянлунгъяс. Медым вöлі юридическöя корректнöй, сöстöм, сöдз, позьö эськö нимтны абу «ютыр», а шуам «ютырув» (подпартия). Ни öти прокурор оз шу незаконнöйөн.

Вочакывйгъяс юалöмлы, «а мыйла колö ютырыс?» татшöм: колö буретш сы вöсна, мый мян оласног пыр лёкджык, а лёкджык сы понда, мый нуöдсьö кедзовтана да дзескöдана политика и медым туйтöм политикасö вежны и колö политическöй организация. Мöд ногыс он вермы, он адзы позянлунсö, меным матö оз тыдав.

Зэв вермас лоны, мый менö унаөн «серам ув лэдзасны» (ог нин гиж серам выв), но ме зумыда да стöча тöда öтитор, йöзöда уверенность: татшöм сяма партиягъяс водз ли сёр лоас (сёр кö, то метöг, кодкö мöд мортлы оз коль мöд туй, медым не котыртны); сы вöсна мый Россияын пансьöны ыджыд

вежсьомъяс, кодъяс транзитон шусьоны, Путинлон Конституцияю поправкаясыс – «вылисянь революция сама»: тойыштасны ыджыд процесс и воссясны позянлунъяс. Гашкө ме вывті тэрмасы, гашкө тайо фальстарт кодъ жө, но не водзмөстчыны оз позь. Кадыс тшөктө.

Коми кывлөн аскиалуныс коляс сомын сэк, кор Коми республика лоо тырвыйо кананон, а кыв отка кана тшуподаон! Мөд петан туйыс абу! Тайо аксиома.

КУТШӨМДЖЫКӨН КОЛӨ ЛОНЫ ВЫЛЬ ЮТЫРЛЫ?

Олөмыс пекткөдлө, мый политической эрдлөн веркөсас да вылыс судтаас зумыда кутчысьо сөмын идеологической партия, кодлөн эм стөча подулалөм идеология, кытчө зумыда кутчысьо. Татшөмөн жө и колө лоны меон вөзьян ютырлы. Көть эськө «идеология» кывйыс мустөм, лякөсьтчөма, дум вылад усьо КПСС, но збыль вылас сийө буртор да коланатор. Лёкыс артмө сэк, кор идеологиялөн эм монополия. Кор сийө государственной вынйөрөн вөдитчөмөн пөдтө став мукөдсө. А бур сэк, кор идеологияс ордысьоны откодъ позянлунъяс дырйи.

Эм шусьөг, тэ кө он займитчы политикаон, политика займитчас тэон. Сталин да Гитлер ыджыдавлісны сы понда, мый йөзыс отдортчылісны политикаысь.

Менам чайтөм серти, медся лөсялана юрнимыс; Канан Тэчан ютыр. «Канан» кывйыс вуджөдсьө роч вылө кызд «государство». Абу «канму», кызди урчитөма кывйөдчан бюрократия ногон, сийө оз лөсяв с.в. мый государство – абу сөмын территориальной образование, но и политической институтъяслөн совокупность, иерархия серти джаджйын улыс да вылыс юкөнъяс моз тэчас. «Канму» оз лөсяв, а лөсялөджык «канас» либө «канан». Ме бөрйи «канан», с.в. мый сийө матындык «канон» дорө. Государство мыджсьө канонъяс вылө, но оз религиозной, а административной вылө.

Дженьдөдөмөн поэзия нимтны «Кантэчан». Тадзтө кивывджык, кызди кивывджык миян парламенттө нимтны Кансөвет. Кывьяссө, быдлаын көнi поэзия колө дженьдөдны. А нюжөдөны-кузьмөдөны найө, кодьяс көсйөны, медым лоны тыдаланаджыкөн. Мөвпалөны тадзи. кымын кузьджык кывйыс, сымын тыдаланаджык сийөс думыштысьыс. Сымын кузьджык текст, сымын ыджыдджык гонорар, тайө налөн тактика. Ас йывсьыс сөмын думайтөны.

Кодкө шуас, юрнимыс пө вывти аслыспөлөс да мисьтөм, кутшөмкө «Кантэчан». Мый та вылө вочавидзнысө? Поэзия мича да кыпид ним сетны, шуам, Чужан му, Айму, Дона, Муса, Мада, Мелi да с.в. Но найө вермасны ылөдны. Кор вөчан өшыбка, лоас ыштөдөн (соблазнөн) өшыбкатө мича юрним сайө дзедны. Оз ков мичлун бөрся вөтлысьны. Унаөн помся «комисө» быдлаө пыртөны: Коми котыр, Коми войтыр, Коми став, Комибанк, коми му да с. в. Колө стөчлун. Мича да бур нимьясыс девальвируйтчисны, донтөммисны вежөртаснас да пөрисны пельтө сьөдөданторьясө. Юрнимсө поэзия сюрсөс думыштны, көть миллионөс. Делөыс абу нимын, а туйвизьын. Юрын бергалiс уна вариант, шуам, но бөрйи мыйлакө «Кантэчан».

Меным оз кажитчы «Дорьям асьнымөс» юрнимыс. Öтикө, петкөдлө коньөрасьөм, мөд-кө, туйдө-чуксалө изоляционистскөй да асьтө йөршитана политикаө. Тайө ютырыс – политической банкрот. Олө öти мөгөн – корсьны компромат Коми войтыр вылө да видлыны тойыштны сийөс улөсьяс вывсьыс. Йөз серам да курыд синва. Кызди и ачыс «Коми войтыр» өтмунөс. Комын во чөж педзөны öти местаын.

КАНТЭЧАНЛӨН ТУЙВИЗЬ ПОДУВ

Сэсся эм уна йөз, медвойдор либералөн асьсө шуысьяс, кодьяс паньдөсь государстволы кыз институтлы, эмалысь субъектлы. Шуасьөны, канансянь пө миян олөмө воө став лөкыс, сийө пө нартитан, йөз вылын ыджыдалан да найөс дзескөдан аппарат. И тайө аппаратсө пө колө бырөдны.

Мый та вылө вочавидзны. Веркөсас кө мөвпыштны, тадзи и эм. Но мөдар боксянь кө видзөдлыны, канантөг оломыс нөшта лёкджык. Вайөдө кө анархияө да ставсө дзугөмө, тайө абу на медлөкыс, – тшөкыда тойлалө диктатураөдз да гражданскөй войнаөдз.

Но канан сөмын сэк зумыд, кор мыджсьө правөвөй подув да демократия вылө. Кутчысьө кө диктатура, мортлысь правояс дзескөдөм, законьяс торкалом да өти вождълөм нэм кезлө медвылыс креслөын зымвидзөм вылө, – татшөм системаыс водз ли сөр пасьнитчас.

* * *

Кантэчанлөн идеологическөй подулыс – национальнөй канан. Вөдитчыны кө чуксалөм-триадаөн: КАНАН, НАЦИЯ, КЫВ!

Ютыр оз пукты ас водзас мог кызд поэьө унджык йөзөс вочны партиечөн. Лыд бөрся вөтлысьны оз ков. Уставө лоө пыртөма пасйөд, код серти членство сетсьө сөмын сэтшөм йөзлы, кодьяслөн видзөдласыс лөсялө кык условиелы: 1. мортыс коми кывлы Коми республикаын өтка-кана статус дор, 2. мортыс должен лоны толерантнөйөн, и не лоны ксенофобөн, мөд ногөн кө, не юклыны йөзсө этничность (национальность), религия, раса серти, став дорас кутны өткодь видзөдлас.

Гөгөрвоана, оз быдөн лөсяв. А лөсялө кө, то зэв шоч морт. Век жө кута лача, мый татшөмьясыс эмөсь.

* * *

Идеологическөй подув серти, Кантэчанөс поэьө шуны национал-либеральнөй да государственнической (комиөн ог төд кызди, кан-ёнмөдан, кан-лэптан, кан-туйдан, кананалан, кананщикалан...) ютырөн. Көть эськө либерализм да кан-ёнмөдөм өта-мөдыскөд сулалөны воча-паныд, но чайта поэьө аддзыны на костын лөсялана суйөр.

Торйөн неуна колө висьтальштны либерализм йылысь. Унаөн тайө кывсө лыддьөны видчанаөн. Но пыдисянь кө

мөвпыштны либерализмыс – бур идеология. Но лёкыс мөдторйын, кызди сійө пөртсё оломө. Ёнджикасө водзмөстчылөны сэтшөм либеральяс, кодьясөс бурджык нимтны либерастьясөн. Кодьяс зильөны кисьтны канансө да сэтчөс пөрадоксө. Россияса кызвын либералыс абу либерал, а ог төд коді.

Но зумыд оломыс, көні тырвыйө дорйыссьө мортлөн право (либерализм) вермас пуксыны сөмын национальной кананын.

История петкөдлө, медся дзоридзалысь кананьяс да обществояс сэтшөм, көні өти идеологической визь вежсьывлө мөд вылө. Кор вежласьөны ютырьяс, властьюс кадысь кадө висьмөдсьө. Россия-СССР-ын тайө оз вөчсьы, пуксяс кө ен тшупөдөдз лэптөм вождь, пукалас кызь ли комын во.

Медводдза воськовьясөн Кантэчанлөн должен лоны Республикаса власть дорө корөм примитны коми кывлы өтка кана статус сетөм йылысь документ. Конституциялөн медводдза куим статьяыс должен юргыны тадзи: 1. Коми Республика – тыр правоа канан, коді ас көсийөм серти өтутвчө выльмөдөм Федеративной Союзө (Өтгасө). 2. Коми Республикаын став олысьыс этничность, религия, раса да с.в. вылө видзөдтөг артмөдөны Уна Этничностья Нацияөс. 3. Коми Республикаын кана кывйөн лоө коми кыв.

(Терминьяс кузяыс көсья гоз-мөд кыв висьтавын. Республикаса пытшкөсса серпас пасйигөн лөсялөджык шуны «этничность», а абу «национальность», коді артмө «нация» кыввужйысь. Нацияыс – республикаса став олысьыс, а найө, кодьясөс шуам комиөн, 22 или 23 процентыс – тайө этнос).

Лоө ко котыртома Кантэчансө, тайө лоас Коми республикаын өтка политической организацияөн, коді зильө чужан муын став йөзсө өтутвчны нацияө. А став мукөдыс юклөны. «Коми войтыр» да «Дорьям асьнымөс» – этнической чукөрьяс, корсьөны кокнилун да шоныдлун. Налы империяыс да колониализм ньөти оз мешайтны. Тайө лёк

система дорас найо зильоны слоймодчыны-ладмодчыны. Корсьоны шонд места. Мовпалоны сомын шебрассо асланыс енджыка кыскыны. Сибодчыны.

И кывйыс тайояслы енасo оз ков. Кывйыс налы – сомын тшупод, сточа ко, уна тшуподьясысь оти. Кутоны асьсо кызди куто пос кузя кайысь морт. Кывйыс – тайо поскас сомын оти тшупод. Кор сэтчо тувчисны, горзыштасны мода выло кывто дорйом йылысь, а кор воськовтисны водзо, вывлань карьерной пос кузя, вежасны темасо да вунодисны кыв йывсьыд. Карьера тодчанаджык. Кор кивыв, бытгоко дорйоны, енджыкасo имитация ногон. Кор абу кивыв, овтыштчыны.

«Коми войтырлы» да «Дорьям асьнымослы» кывйыд абу тодчанатор. Програмаас абу медтодчанаяс лыдын, а дасод ли дас витод пункт. Буретш та понда и найо йозодисны кык уджалан кыв да кызвын уджсо нуодоны пыр енджыка рочон. Медглавнойыс абу куш кыв радейтомын (шуам, меным коми кывйын оз ставыс кажитчы), а модторйын, – сыын, мый тайо ПОДУВ!

Кор Митюшевалы ме вайли сылон газетас йозодом выло кыв статус йылысь статья, йозодис, но неокотапырысь да чинталомон. А кор мод морт возйис антисемитизм да ксенофобия руа, логлун пестана «Иностранцы в Коми» чилзom, ошкис сийос, ыджыд молодец по тэ.

* * *

Кывто дорьян аргументьяссо найо вайодоны непошто слабьясос, а мода вылас. Абу дорйом, а кыз шуласны номер отработайтом, мустом удж вочом, обязанность сяма.

«Шуасьомыс коми кывто коло велодны, сы вoсна мый кымын унджык кыв тэ тодан, сымын унджыкысь тэ морт», – тайо абу аргумент, а вoйптom. Вочавидзасны, вай сидзко индонезийской велода, Индонезияын 200 миллион олысь, а комион варовитысьыс кымын?!..

ПАРТИЙНОЙ УДЖСӨ КАНТЭЧАН НУӨДӨ СӨМЫН КОМИӨН

Кантэчан ютырса членъясөн вермасны лоны любой кывья йоз, коть роч коть французской, но официальной гижан-йозодчан зильом вочсьо комион и сомын комион. Уставо лоо пыртома торья пункт. Уджыс кутас нуодсыны лючки комион, ва либо кыдя кывйо шыболитчытог (гашко корсуро, кор сёрни текстлон сюрөсыс кыско?)

Не-коми кывья членос ютыр кутас ышодны велодны сёрнисо. Гөгөрвоана, тайо сьокыд, но век жо колө зильны.

Сийо збыльыс, мый республикаын кызвын олысьыс роч кывья – ньоти оз веж бөрийом сюрөссо.

Весиг сэк, друг ковмас ко роч кывья кутшөмко ютыркөд (а гашко и власть органкод, код тодас?) кырымавны сёрнитчөм, меморандум, манифест либо декларация, Кантэчанса нырщик кырымпассо пукто сомын коми кывья текст улө. Позьо роч кыв вылын тет-а тет сёрнитөгөн лосьодны отувья да отсөгласуйтом текст, но сэсса сийо вуджодсьо коми выло да кырымавсьо. Тайо вочсыны кутас сы могысь, медым петкодлыны, мый коми кыв Коми республикаын должен имеитны (эмакутны) отка кана статус.

Роч кывья морт сиджо кырымасьо коми текст улын. Но медым гөгөрвоис, мый улын пуктис пассо, сылы сетсьо кык кыв вылын текстяс, кодьяслысь идентичностьсо заверито, подувпасало торья специалист, кодос ме эсько нимти идентиторон, тайо филолог, коди бура тодо коми да роч кывьяс.

Но став официальной документяс кана кывьяось.

Пресс-конференцияс вылын ютырса должен сёрнитны комион, мед коть юалоны рочон. Колө жырсө могмодны вуджодчан оборудованиеон. А видео пыр телевидениеын либо интернетын сёрнитигон, выступайтигон экран вылын улиас должен лоны рочон гижысь котортысь строка. Мед воли и налы гөгөрвоана. Но став официозыс коми кывья. Мөд ног и лоны оз вермы. Шуам, телевидение вылын ко

мунö дискуссия либö дебат, мед оппонентыс роч кывъя кö рочөн сёрнитö, но кантэчанса сёрнитö сöмын комиён, та дырйи должен нуöдсыны сихроннöй перевод, Ютыр быд публичнöй мероприятие нуöдö комиён. Тадзи вöчсьö сы вöсна, мый мöд ногыс он кыпöд кывтö. Позьö помся няргыны да норасыны, бырö, бырö, но нинöм конкретнöясö не вöчны. Публичнöй эрдыс – тайö медтöдчана юкөн. Буретш та вöсна. Рочыс вермас кольны кыз шуласны частнöй юкөннын да кулуарын сёрниын накöд, кодi оз тöд комисö. Колö тöдны, кöни вöдитчыны сöмын комиён, кöни «личöдчыштны».

А ыстысьöмыс, мый коми кывтö оз тöдны непоштö унджыкыс, а пöшти ставыс оз тöд, абу помка. Империя буретш та могысь и бырöдалис кывъяссö, медым пансис вензьöм, а идеальнöй вариантын – кось. Принципыс тöдса, юклы да ыджыдав. Да ызьöд йöзсö öта-мöдлы паныд.

Нöшта öтчыдысь тöдчöда, Коми республикаын канаён вермас лоны öтнас коми кыв. Сёрнитысь лыд, процент да юкөн вылö видзöдтöг. Кана кыв – тайö канлунлөн символ да подув-фундамент. Мед кöть коми этничностья ни öти морт власть бердын эз вöв.

Медся лöсялана петан туй: йöзöдны комисö öтка канаён, пасйыны тайöс Конституцияын, а сэсся примитны закон, кöни урчитны вуджана кадколаст, кодöс прöйдитöм бöрын коми тырвыйö вынсьöдсьö, кыз шуласны пыртсьö вынö.

Помкаяс лыдын, мыйла Канан Тэчан ютырлөн официальнöй удж мунö комиён тшöтш и сыын, мый тайö кыпöдас кывлысь тöдчанлунсö йöз пöвстын, обществоын. И надейтчам, мый содгас школаын тайö предметсö велöдысь лыдсö. Кыз тöдса, öнöдз чинö и чинö. Шустöм тенденциясö колö сувтöдны.

Кантэчан, дерт жö, лыддьö, мый колö вочасөн выльысь лöсьöдны национальнöй школа, кöни став предметыс эськö велöдсис комиён, а сйö школа-классьясас, кодьяс роч кывъяöсь, коми кыв быть велöдан предмет. И абу вежоннас час либö кык час. Мый позьö кык часнас тöдмавны? Нинöм.

А тӱдчымӱн унджык, сы мында час, мыйта колӱ кывсӱ пыдисянь велӱдӱм вылӱ. Ӗд помкаясыс, мыйла ӱтдортчисны чужан кывйысь, тшӱтш и сыын, мый ӱтша кад вичмӱдӱма та вылӱ.

* * *

Нӱшта ӱти, но тӱдчана помка, мыйла Кантӱчанлӱн ютырасян удж мунны кутас комиӱн: тайӱ ышӱдас батьмамсӱ индыны челядсьӱ велӱдны чужан кыв. Чайтам, содтас лыдсӱ. Гашкӱ, кодкӱ окотитас лоны котырса нырщикӱн?

Медся лӱсялана форматс, код серти кӱсйӱ эськӱ уджавны Кантӱчан, – камера вылӱ гижӱм видео, кӱнӱ текстс лыддьыссьӱ комиӱн, а улӱас рочӱн титрӱяс либӱ котӱртссь строка. Таысь бурыс сыын, мый туйдас коми кыв дорӱ интерес. Куш комиӱн кӱ улӱас гижӱдтӱг, унджыкыс оз кут видзӱдны, сы вӱсна, мый оз тӱдны комисӱ, а рочӱн кӱ, тайӱ лоӱ рочмӱдан политикалы слӱймӱг.

Та вӱсна видео комиӱн, гижӱд рочӱн. Тадзитӱ тӱдчымӱн бурджык, чем помся ливкйӱдлыны рочӱн коми кыв сӱвмӱм йылысь, кызди вӱчӱны КВ да ДА, некор оз сӱвмы, а сӱмын ылӱдлас да кежӱдас збыль вылас русификацияӱ.

Оз кӱ ставсӱ, то кӱть нин кызвын интервьюяс ютырса кутас зильны сетны сӱдзжӱ гӱгӱрвоана кутшӱм кыв вылын. Позьӱ кӱ тадзи шуны: Кантӱчанлӱн эм аслас кыв политика, кодӱс збыльмӱдӱ медийнӱй да юӱртана эрдын.

КЫВТӱ ДОРӱЯН ДИСКУССИЯЫН ОЗ ПОЗЬ АПЕЛЛИРУЙТНЫ ЖАЛЬЛУН ДОРӱ

Тайӱ оз сет водзӱссӱ, оз кыскы йӱзсӱ, кывзысьяссӱ аргументацияас. Сӱмын ӱтдортас да падмӱдас дорьян визьсӱ.

Тайӱ ӱшыбкаыс тшӱкыда паныдасьлӱ вӱлӱ дискуссиясын, вензяна программасын ТВ вылын, токшоуясын, да и йӱзкост сӱрниын. Водзитӱ передачаяссӱ петкӱдлывлӱсны кельыдлӱз экран вылын, а бӱрӱя воясӱ, кызди казялӱ, киритӱсны.

Но проблемаыс колис. Эм аргументация нуодан теория, кодї висьталө, мый слаб аргументъяс оз оставны, а падмөдöны, лэдзöны вензъысьлысь тшупöдсö.

Аргументыс: кымын унджык кыв тэ тöдан, сымын унджыкысь тэ морт, некытчö туйтöм. Шуасны, мыйла сідзкö комисö, быран выйынсö, бурджык суйöрсайсаöс.

Медвына аргументыс: коми кыв – республикаса канлунлөн подув да фундамент. Роч кыв не должен кольны кана статусаөн, сы вöсна мый сійö имперскöй политикалөн инструмент.

Кывлөн статус – тайö СИМВОЛ! А символ индö туйнырсö, кодарланькö мунöмсö, либö водзлань, аскиаö, либö бөрлань, тöрытьяö.

Подулалöмыс – дзöнь искусство. Öти кадколаст-ситуациялы лöсялö öти ног нуодан аргументация, мөдлы – мөд ног. Аргументъяссö колö кужны кыз шуласны тэчны джадж вылö, тöдны, кодöс выліджык юкöнас, кодöс уліджыкö. Тшöкыдасö оз артмы, огö кужöй.

Теледискуссияын Кузьбожева шуис, колö пö коми кывтö медым сійö сөвмис, вöчны моднöйөн. Со тадзи. Бытьö джинсы йылысь сёрни мунö. Кывйыс дöлжен лоны не моднöйөн, а КАНА-өн. Модаыс талун эм, а аски абу. Сэсса Кузьбожева кутшöмкö этнической мобилизация йылысь кутис больгыны. Кутшöм мобилизация, авторитаризм кадö? Татшöм шуасьöмыс абу кыв дорйöм, а пиаритчöм да тшапитчöм могысь вöчсьö. Ог радейт ёнасö видзöдны дискуссиясö, нинöм тöдчанаыс абу. Сöмын проблемасö бокö кежөдöны да вöйтöны.

Помнитсьö, сідз шусяна либерал Игорь Сажин тешитчис сөвет власть кадся «Ленин туй кузя коммунизмö» гижөд вылын, кодї öшалис öнйя вөр институт (сэки академия филиал) вевт весьтын, гизис, дуй Кузя к коммунизму. А социолог Ильин яндысьтöг гижліс та вылö комментарий, тайö гижöдыс пö национальной юалöмын öшыбка. Кутшöм ошыбка?! Öшыбкаыс абу таын, а сыын, мый эз велöдны коми кыв. А велöдісны кö, тадзисö эз тешитчыны, некодлы юрас эз пыр дуй Кузя к коммунизмуыс. Игорь Сажинкөд

мена́м век вöлі бур отноше́ниеяс, но та бöрын ог кут ськöд киа́сьны сэтчöдз, кьтчöдз оз веж видзöдлассö тайö нелючки вылас. А Ильинсö ог прöстит сы понда, мый сийö социолог да политолог, сідзкö должен гөгöрвоны, мый эм мый.

ПОЗЬÖ-Ö ЫСТЫСЬНЫ СЁРНИТЫСЬЯСЛÖН ЛЫД ДА ПРОЦЕНТЬЯС ВЫЛÖ?

Бура помнита, кьдзи 1990-öд вояс заводитчигöн Коми войтырöс сöвмöдан комитетлөн заседание вылын öти участник вöзйис, колö пö телевидение вылын коми переда́чаяслысь пайсö лэптыны 23 процентöдз. Мыйла öкурат 23? – юали́сны сылысь. Сы вöсна пö, мый комиыс 23 процент. А аски кö лоö öти процент, сідзкö!..

Вайöда öти мортлысь газетса гижöд. Заводитіс комиöн, сэсся шуасьö, сы вöсна пö. Мый уна коми морт оз тöд коми кыв, вуджа роч вылö. Тадзи шуасьнысö оз позь. Артмö, ассьыд нациятö да асьтö ачьд жö вöйттан, лэдзан, моральнöя уськöдан. Оз кö тöдны, – тайö абу помка, тайö абу аргумент. Вай сідзкö дзикöдз öтдортчам коми кывсьыс, дугдам сийöн вöдитчыны, вунöдам, талья́лам да гуалам.

Буретш та вöсна Кантэчан став официозсö нуöдö сöмын комиöн. Шуам, интернетын ли кöні миянлы паньд усьласьöны рочöн, ми вочакывсö век йöзöдам комиöн. Мед петкöдлыны кывлысь правосö, мед сэсся вуджöдöны ас вынöн, тайö налөн мог.

* * *

Некор оз позь кывзыны найöс, кодьяс ыстысьöны, дözмасны пö коми кыв дорö. Нарошнö пестöны лöглунсö.

ПОПУЛИЗМ РÖМА ЮАЛÖМЪЯС ОЗ ПОЗЬ ПЕТКÖДНЫ РЕФЕРЕНДУМ ВЫЛÖ

Эм ставмирса практика: референдум вылö не петкöдны юалöмьяс, кöні быттö клящöй дукöн паркйö популизм. Оз

юасьны йӱзлысь удждон кузя, пенсия вылӱ петан арлыд либӱ уна-ӱ мынтыны коммунальнӱй услугаысь. Вочакывйыс сӱдз гӱгӱрвоана. Шуам, ӱти вӱзйӱ пенсия вылӱ петны 65 арӱсын, а мӱд – 35-ын, код вӱсна гӱлӱсуйтас бӱрйысьысь? Дерт, 35 вӱсна.

Оз позь нуӱдны референдумсӱ и кыв кузя. Юалӱмас популизмыс сы мында жӱ.

Кывлы кана статус йылысь пыртанпассӱ должен вынсьӱдны кыв-кутана власть. Депутатъяс, правительствоса членъяс, министръяс, ӱти кывйӱн кӱ, политикъяс, кодъяс гӱгӱрвоӱны олӱмсӱ да видзӱдӱны водзӱ, аскиалунӱ. Мед найӱ ставныс роч кывъя, мед некод оз сӱрнит на пиысь комиӱн, но долженӱсь лоны ясыд вежӱраӱн.

А прӱстӱй йӱзыс, кӱть кутшӱм бурӱсь эз вӱвны, абу политикъяс. Кокниа веськаласны популистъяслӱн да демагогъяслӱн самӱ. Йӱзыс мый йылысь думайтӱны? Талунъя оласног йылысь, нажӱтка судзӱдны, семья вердны, а «ыджыд материяӱ» оз сюртчыны.

Став реформаяссӱ, кодъяс пансьылісны мортвужлӱн историяын, прӱйдитӱдӱсны кӱ референдум пыр, ми ӱні эськӱ олӱм пещераын, лыйсим ньӱвйысь, тышкасим мечӱн, некутшӱм автомобильяс, телевизоръяс, самолетъяс эськӱ эз вӱвны. Реформаыслы туйсӱ эськӱ пыкисны. Уна йӱз чукӱрын век ыджыдалӱ консерватизм, весиг ретроградство, кодӱ оз сет збыльмыны вежсьӱмъяслы. Абу сыын делӱыс, мый йӱзыс лӱкӱсь, найӱ бурӱсь, а аслыспӱлӱс петкӱдчӱмын, ловпытша инстинкъясын.

Оз позь нуӱдны и кыв кузя референдум. Оз кутны национальнӱй кыв вӱсна гӱлӱсуйтны найӱ, кодъяс сӱйӱс оз тӱдны. Та могысь и империя нуӱдӱс да водзӱ нуӱдӱ йӱзсӱ, войтыръяссӱс рочмӱдан политика.

Кӱть эм ӱти пример, Латвияын вӱлі кывъяс кузя референдум 2012 воын, но сӱні став гӱлӱсуйтысь – латышскӱй кыв тӱдысьяс. И найӱ дорйисны латышскӱйсӱ кыз ӱтка канкыв. А вӱліны кӱ не-тӱдысьяс, кутшӱм помшуйм эськӱ виччысис тайӱ республикасӱ?!

Морт кӱсӱ кӱкнӱдчыны. Вӱчӱ сӱдзи, кӱдзи кивыв талун да ӱнӱ здукӱ. Обществен кӱ, шуам, унджыкыс друг лоис наркоманӱн и пансис референдум, колӱ-ӱ легализуйтны наркотик, унджыкыс шуас: колӱ! Оз думайтны аскиалун йылысь.

Кыв кузьяд сӱдзжӱ. Талун позьӱ кӱкнӱдчыны войт мында, а аски сюрс войт мында ковмас вештысьны синва сорӱн.

Сьӱкыд нопсӱ аслас пельпом вылас должен босьтны мӱвпалысь да кыв-кутысь власть.

КАНТЭЧАНЛӱН КАДРӱВӱЙ СОСТАВ ДА НЫРЩИК

Менам чайтӱм серти, Кантэчан ютырлӱн кадрӱвӱй подулыс – интеллигенция, а торйӱн ыджыд лача кута коми кыв велӱдысьяс вылӱ, школаын либӱ нӱшта кӱнкӱ. Ме чайта, мый Кантэчанлы колӱ эськӱ лоны коми кыв велӱдысьяслӱн ютырӱн.

Гижлӱ нин, мый эмӱсь ютырӱ пыран условиеяс, лоны коми кывлӱн статус дор да толерантность.

Чайта, том йӱзсӱ озджык ков котырӱ примитны. Мыйла тадзи лыддя? Абу сы вӱсна, мый найӱ, томьясыс, лӱкӱсь, а сы понда, мый Россия – вулкан сяма канан, кӱнӱ вермас любӱй кадӱ пансьыны любӱйтор, политическӱй сыркакылӱм. Диктатура вермас чорзбыны, либӱ талунья диктатура пасьничыны да сы местаӱ чужны выль диктатура, ещӱ лӱкджык да пежджык да нӱшта ӱнмӱдны репрессияяс, а томьяслы водзӱ овны, найӱс колӱ видзны лӱксбыс, а миянлы, олӱмаджыкьяслы воштыны нинӱм, во-мӱд сӱрджык кулан, во-мӱд водзджык, костыс ичӱт.

Бурджык, ӱтувтчасны кӱ кызвынсӱ шӱр да олӱмаджык арлыда активистьяс.

А кодлы колӱ лоны нырщикӱн? Татшӱм мортсӱ колӱ аддзыны.

Политическӱй нырщик – тайӱ морт, кодӱ ӱтпырӱӱ лӱсялӱ некымын визылы, сӱйӱ должен не сӱмын эмбуравны

тактической да стратегической мөвпалөмөн. но и петкөдлыны асыс кужыс организаторөн.

Мейн татшөм качествасыс абуось. Та понда ог туй. Юрнуодан опыт абу, некор некод вылын эг командуйтлы. Ог куж ачымос кутны публичнөя, уна йоз водзын. Радейта лоньлун вуджөр сайын, откалун. Ичотик сьокыдлун понда одйо шойовоша. Мыйкө кө оз артмы, заводита нервничайтны, пузьевла, одйо уся лолон. Сёрнитигон мыктала. Некытчо туйтом дикция. Оз кө сёрнитом артмы, босьтча жестикулируютны, мый дөзмөдө йозсө. Фото- да теле-геничностьн ёна ворся. Абу коммуникабельной, некодос ас вынон, отсасысьтог, ог отувт. Кодкө мено шуис закомплексованнойон. Гашкө тадзи и эм? Сэк жө идеологической юконыс ме борд улын. Програмаыслыс медтөдчана контурсө да чиртор-штрихьяссө лои дасытома.

Кантэчан ютырлөн нырщикон должен лоны харизмаа морт. А татшөмсө зэв сьокыд аддзыны. Амбициознойыс, властолюбивойыс, ыджыдавын радейтысьыс, асысө выло лэптыны кужысьыс, авзысь-горзысь горлопаныс юр выв тыр, а харизматическойыс абу. Оз кө сюр татшөмыс этнической коми кывьяс пиысь, позяс корсьны да бөрйыны не-комияс, шуам, рочьяс пөвстысь, на пөвстысь, кодьяс өнисө оз сёрнитны комион, но... кывсө быть велөдом бөрын. Көть йөзөд конкурс-кастинг сяматор.

Оз кө артмы, ковмас бөрйыны вариант, код серти ютыр кутас нуодны деятельностьсө официальной нырщиктог. Оз кө сюр туяна кандидатура. Мед лоны идеологической туйвизь вөсна кыв-кутысь да секретар, коді занимайтчо организационной уджон. Удайтчас кө аддзыны секретарө лөсялана мортос, эм надея мый вермам сувтны кок йыло. Проектыс кө артмас и мейн коланлуныс оз ло, ме дась вешыны бокө. Веськыда кө шуны, мено шемөсмөдө, весиг дөзмөдө, мый вөзйом тезисьясон мейсь кындзи некод эз пет, эз водзмөстчы. Ог көсийы лыддыны ачымос медся сюсьон, сөмын артмө, мый став мукөдыслы веськодь, а куш меным не веськодь.

Секретарыслы абу быть лоны ыджыд политической
опытаон, но колө быть лоны пось сьолөма мортон. Бурджык,
мыйонкө кө меным антипод, медым нейтрализуйтис,
вевтыртис менсым тырмытөмторьясөс. Но видзөдлас серти
быть лөсялысь. Мед лоө кык кырымпас бумагаяс улын, кыз
шуласны легимость могысь. Эм сэтшөм кывтэчас, роч
шусьө «система сдержек и противовесов», а комион кө либө
«кутөд да воча-паныд сувтөдана система» либө
«вывтиасьөмысь көртвомалана система», ог төд.

Отитор ясыд, партияө оз ковны асьсө пиаритысь йөз,
кодьяс радейтөны телекамераяс да трибунаяс сөмын
тшапитчөм могысь. Бурджык мед некод эз вөв.

Сэсся лооны кө нелючкыяс да сьөкыдлун либө
авторитарной режим панас дзескөдөм да репрессия,
ставсьыс кыв-кутысьыс – тайө ме. Став мыжсө дась босьтны
ас вылө.

Республикаын, да и тыдалө уналаын сідзжө, эмось
организацияс, кодьяс өти мортаось. Ташөмьяссө нимтөны
фейкөвой организациясөн. Кантэчан кө лоас фейкөн?
Первойя кадас кө, абу лектор, некымын төлысь либө во. Но
не век кежлө. Сэки бурджык гортад мынны да крөватяд
водны да пөтөлокад сьөлавны.

АТРИБУТИКА ЙЫЛЫСЬ

Символика эм быд структуралөн. Абу сөмын кананлөн,
но и организациялөн, тшөтш и ютырлөн.

Менам чайтөм серти, атрибутика абу төдчанатор. Мед
сөмын уджыс артмис, сетис сийө водзөс да бур помшүөм.

Меным оз кажитчы, кор ышнясьөны ортсыбан
мичлунөн да пиаритчөны та вылын. Кор делөыс збыль
вылас падмө. Мария Кузьбожева радейтө конференцияс
нуөдны национальной паськөмө тшапитчөмөн. Петкөдлө, со
ме кутшөм водзмөстчысь да сюсь.

Но тайө петкөдлө дзык мөдтор: донтөм пиар да имиджөн
ворсөдчөм. Падмөм-ворссьөмсө компенсируйтө мөдторйөн.
Кузьбожева мыйонкө мунө Украинаысь Юлия Тимошенко

вылө. Өткодось не сөмын мыгөрнас, интонациясын. Кыкнанныслөн действиясас могмөдсө популизм визь. Ортсымычыс налы медглавнөйтөр. Өтиыслөн паськөм, мөдыслөн юр вылас ас вөчөм көса.

Францияса вовлөм президент Франсуа Олланд быд сьөкыдлункөд паныдасигөн (теракт ли нөшта мыйкө) вочавидзис эз мераяс примитөмөн, а «Марсельеза» кып сьылөмөн. Ритуалөн.

Гимнъяс кузя менам аслыспөлөс видзөдлас. Меным оз кажитчы Коми республикасыс. Виктор Савинлөн «Варыш позыс» оз туй кып вылө, ловтө уськөдө. Ме абу музыкант, но радейта кывзыны мича музыка и чайта, мый «Варыш поз» ёнджыкасө мунө реквием вылө, а гашкө и сы вылө оз туй. Красильникова дөзмөмпырысь гижлис, быд асыв пө ми кылам радио пыр траурнөй музыка.

Виктор Савинлөн нотаяс улысь петлис куш өти лөсьыд сьыланкыв: «Мича нывъяс». «Коми море» – шөркодь, а мукөдыс оз вөрзөдны. Гимн вылө туйө чайта тшөтш и Прометей Чисталевлөн сьыланкыв, көни эм татшөм строка: «Лөсьыд жө нин, лөсьыд жө нин, миян мича Коми му...»

Дорьям асьнымөслөн ютырасян кыпөн лыддысьлис А. Уляшевлөн «Коми муөй, олан гажөй», кодөс Красильникова век сьылис быд собрание востигөн.

А мирса кызвын кананлөн гимнъясыс меным чайтөм серти мисьтөмөсь. Музыкаыс должен кыпөдны ловтө сідзи, мед вирыд сөнъясад кынмывліс. Тывыйө гимнөн позьө шуны сөмын Германиялысь гимн, Йөзеф Гайднлөн произведение вылө. Збыльысь ловтө кыпөдө.

КОМИ ВОЙТЫРЛӨН СЪЕЗДЪЯС ЙЫЛЫСЬ

Кантэчан ютыр принципиальнөя оз участвуйт коми войтырлөн съездъяс вылас. Тайө мероприятияыс этнической тшупөда. А Кантэчан сулалө нация дор да лыддө, мый нацияыс – республикаса став олысьыс. Должен ачыс олөмыс вайөдны тайө помшүөмөдзис.

Сэк жö ютырса членьяс вермасны самостоятельнöя, аснаукöн участвуйтны съездьяс да конференцияс вылын. Сöмын радöвöй членьяс. А ютырса веськöдлан органö пырысьяслы тайö правосö непозьöсалöма.

И вообще, лючки национальнöй кананын татшöмторйис оз овлы, сэнi став олысьыс – нация. Буретш тайö серпасыс и миянлы ориентир, бöрйöм туйлөн помасян чут.

Коми войтырлөн съездьяс да конференцияс долженöсь занимайтчыны сöмын кывйөн да этшаджык мукöд юалöмьясөн. А то артмö, мый тайö организацияыс дублируйтö правительствоос, то сэнi туй колö нюжöдны, то танi пывсян стрöйтны, то..., а öтчид резолюциясьыс адзыли пункт, сэнitö вичко пö колö зымкнитны. Уджас зэв ёна мörччö лоббизм сяма водзмöстчöм. Съездсö используйтöны асланыс ышмана могьяс вылö, кызд быттö чачаос.

Тшöтш и сы понда, мый коми съезд оз пöрт ассьыс колана могьяссö и быть лоö водзмöстчыны Кантэчан ютыр котыртысьлы. Олöмыс тшöктö.

Кодкö нимтлис коми войтырöс сöвмöдан комитетсö «сывмöданөн». Не согласитчыны шуöмыскöд сьöкыд. Талунья кад бура тайöс петкöдлö. «Коми войтыр» öтмунöс быттö сакар чайын сылö властьлөн эрдас, сылы видзöдö вомас, век копрасьö. Конференцияс вылын сеталöны выступайтны весиг налы, кодьяс восьсөн лöгалöны коми вылö, чуксалöны киритны Коми республикатö да юкны сийöс Архангельскöй да Вологодскöй губернияс костын, коми кывтö пöдтыны. Шуам, Искандаровлы, сы коддьöмьяс йылысь Ленин гижлис, рочмöм нацмен зильö лоны рочысь на роч, вывти солалö пö, пересоливайтö. Ленин көть и уна сорассьывлис, танi вöли тырвийö прав. Эм бур роч шусьöг, абу ас манастырö ас уставөн оз пыравны.

КАНТЭЧАН СУЛАЛÖ НАЦИОНАЛИЗМЛЫ ДА КСЕНОФОБИЯЛЫ ПАНЫД

Кодi занимайтчö национальнöй юалöмөн, век лоö аслыспöлöс мишень-объектөн усьласьысь йöзлы, кодьяс

нимтöны найöс националистъясöн, öшлöны быдсяма мисьтöм ярлык-лясканпасьяс.

Кöсья пасйыны, мый Кантэчан – абу националистической ютыр. Кантэчан сулалö национализмлы, ксенофобиялы да расизмлы паныд. Мый ясыда тыдалö сылөн программаын да политической платформаын.

Öд мый сийö национализмыс? Тайö термин кузя эм некымын интерпретация, тöлкуйтан-кыв. Сидз жö кызди и «нация» кыв кузя петкöдчö разнöй видзöдлас, öтияс гөгөрвоödöны öти ног, мöдьяс – мöд ног.

Сийö вежортас сертияс, кодi ыджыдалö Россияын да вöвлöм СССР-ын, национализмыс – йöзсö национальность вылö юклöм да тайö подув вылö кутчысьöмөн öтияслы кокньöд сетöм, а мöдьясöс öтдортöм. Миян йöзлы – став бурсö, а не-миянлы – коляссö, лишалас кö.

Меным некор эз кажитчывлы этнократической ышнясьöм. Коркö ёна песисны, колö пö должностьяс вылас индыны коми йöзöс. Колö пö мöд палата парламентын лöсьöдны.

Кор оз тырмы профессионализм, кор оз вермыны успешнöя-артмöга ордйысьны мукöдкöд, ыстысьöны национальность вылö, кодөн и зильöны компенсируйтны слаблунсö да тырмытöмлунсö.

Канлун да кыв налы оз ков ёнасö. А колö öкурат сы мында, мыйта отсалö кыпöдчыны карьернöй пос кузя. Шусьö кö республиканым комиөн. сетöй пö коми мортлы властьсö.

Тайö некыз оз лöсяв олöмыслы. Национальнöй кананын став гражданаыс öткодъ правоа. Оз позь тадзисö: ставыс öткодъсь, а кодкö öткодъджык. Этничность вылö йöзöс юклöмыс падмöдас интеграциясö, став олысьсö нацияö öтувтöмсö, – тадзи ме лыддя.

Кантэчан – абу националистической, а кан-ёнмöдана, государственнической ютыр.

Збыль вылас дзик мöдарö. Этнической стратификация боксянь кö доньявны, то Кантэчан – интернационализм сюрöса котыр. Сулалö öткымын моментьясын не-комияс

дор. Колö удждон дорö содтöд сьöм мынтыны не-коми мортлы, кодi велöдiс коми кыв. Канслужащöйяслы эськö. А коми морт кö оз тöд чужан кыв, сэсся велöдiс, содтöдыс не должен сетсьыны. Пример пыдди: шуам Гапликов велöдiс коми кыв, таысь сылы сетсьö удждон дорас содтöд сьöм 30-40-50 процент 2-3-4 во чöж. А кутшöмкö Изьюровлы ли Лыюровлы содтöдыс оз сетсьы.

Тайö вöзйöмыслы паныдöсь кыз коми этнократ-националистьяс, сiдзи и роч империяляс. Öтиясыс сы понда, мый кöсйöны аслыныс кокнöд. А мöдьясыс паныдöсь сы понда, мый сулалöны национальной кывьясöс сöвмöдöмлы паныд. Гөгöрвоöны, сöвмыны кö кутасны, налөн радейтана рейхыс резьдас.

КУТШÖМ НАЛЬКЙÖ ВЕСЬКАВЛIС «ДОРЪЯМ АСЪНЫМÖС»

Политическöй олöмын петкöдчывлö уна лёктор, провокацияс, ызьöдöмьяс, манипуляцияс, быдсяма мудеритöм, йöзöс налькйö кыскöм-тойлалöм.

Мый лои ас кадö Дорьям асьнымöскöд Митюшева да Красильникова кадö.

Кöнкö 2000-öд вояс заводитчигөн Митюшева меным звöнитiс да корис öти аддзысьлöм вылö, кодöс нуöдлiсны нацбиблиотекаын. Аддзысьлöм вылас эксперталiс кутшöмкö Марина Плеханова (бöрыннас кодкö висьталiс, тайö пö Юшковлөн ныв).

Сёрнисьыс вöли тöдчö, мый экспертыс империя дор да комилы паныд. Шöр визьыс татшöм, колö сувтны демократиялы паныд. Эз восьсөн тайö мöвпсö нуöд, а кытшлалöмөн да бергалöмөн, Европа пö сэтшöм горш, комитö кöсйö рабствоö босьтны да нартитны миян вылын.

Найö, кодьяс сулалöны анти-коми визь вылын, век мудеритöны да асьнысö шуöны коми дор сулалысьясөн. Налы медся мустöмыс – коми кыв сöвмöм. Гөгöрвоöны, сöвмас кö, рейхыслы воас пом. Та вöсна зiльöны коми

өтмунөсьясөс ылөдны комиос ёнмөдан уджысь да кежөдны
вынсө кытчөкө бокө.

Мыйтакө кад мысти Митюшева бара меным звөнитіс,
волы пө нөшта аддзысьлөм вылө, синтөм-аддзытөмъяслөн
обществоын. Вөлөмкө, сәні нуөдсис Сыктывкарса
фашистьяслөн слёт. Сцена вывсянь выступайтіс татчөс
фюрер Юрий Екишев.

Ме юалі Митюшевалысь, мый тэкөд лоис, тэ жө
лыддысьлін демократкаөн, весиг Демократические
выборы-89 котырөн юрнуөдлін. Вочавидзис, ме пө сәки
сорасси, а өні гөгөрвои ошыбкаөс, а демократиялы пө паныд
сувті сы вөсна, мый сійөс думыштисны... еврейяс. «Майн
Кампфьсь» пөшти стөч цитата. Сэсся ютырсяяс
митингуйтлісны фашистьяскөд өти чукөрын.

Дыр майшаси, колө-ө тайө лов уськөдана збыльтор
йывсьыс гижны. Но век жө гижа, медым лыддысьысь төдіс,
мыйся йөз юрнуөдөны «Дорьям асьнымөсөн». Эм и
лөкджык юөр, но ог лыдды коланаөн вайөдны. Политикаын
зэв уна мисьтөмторйыс. Сөмын колө лоны сюсьджыкөн да
видзчысьысьджыкөн.

Манипуляция сюрөсөн ютырсаөс пылесосөн моз
кыскисны антисемитизмө, медым тышкасисны эз коми
вөсна, а төв помысь уджалысь мельничалы паныд, кыз
шусьө шусьөгын. Гашкө помкаыс нырщикъяслөн обичаын,
пытшкөс лолын, психологияын, көні пыдіа вужьясьөма
ксенофобия. Лөк көйдыссө койыштисны бура небзьөдөм да
куйөдалөм муө.

Колө төдны, кодкөд лөсялө кутны йитөд, а кодысь колө
пышйыны кыз көвьясьысь висьөмысь.

КЫДЗИ КАНТЭЧАН ВИДЗӨДӨ ГАПЛИКОВ ВЫЛӨ?

Кор имперскөй шөр власть пуксьөдіс тюрмаө Гайзерөс
да «козьналіс» миянлы ылі муысь вайөм Гапликовөс, унаөн,
эз сөмын комияс, но и не-комияс, дөзмисны, варягыд пө

Юралысь пуклӧсын – миян вылын смекайтчӧм.

Ме тырвыйӧ ӧтвизя тайӧ майшасьӧмыскӧд, юка быд мӧвп. Нӧшта на содта чорыджыктор; тайӧ колониализм политикалӧн мисьтӧм петкӧдчӧм.

Но эм ӧти «но». Ыджыд-ӧ тӧдчанлуныс сыын, кодӧ веськӧдлӧ колониализм кадӧ колонияӧн, дзескӧдӧм да немӧ вайӧдӧм му-пельӧсӧн? Татчӧс морт или абу татчӧс. Верма вайӧдны и варягӧс дорьян аргумент: татчӧс веськӧдлысь тӧдӧ кӧнӧ мый лӧка куйлӧ, медым гусявны, а бокась воӧм оз тӧд да озджык вермы вывтӧасьны. Сэсся быд веськӧдлысьлӧн эм команда, ас йӧз, кодлы эскӧ да код отсӧгӧн вӧчӧ непоштӧ буртор, но и лӧктор. Шусьӧ кругӧвӧй порука, ӧта-мӧдсӧ дорйӧм.

Талунья система дырйи абу тӧдчана, кодӧ юрнуӧдӧ республикаӧн. Тӧдчанаыс мӧдторйын, кызди асьсӧ петкӧдлас Гапликов, коляс кӧ пост вылас Россияын вежсьӧмьяс пансигӧн. Кутас-ӧ сӧвмӧдны канлун, коми кыв да с.в.? Мед кӧть «гастролерлысь» ярлык-пас сы вылӧ ляскисны, но доньявны колӧ мӧдторйысьджык.

Сӧдзкӧ Гапликов дорӧ ютыр видзӧдӧ некыз. Буретш тадзи. Абу «некыз оз видзӧд», а «видзӧдӧ – некыз». Ми сулалам сылы оппозицияын. Ошкыны нинӧмысь. Мый эм сийӧ, мый абу – ӧткодь. Гапликов кӧть Гопников – торьялӧмыс ичӧт. Медвойдор колӧ вежны системасӧ, а сэсся веськӧдлысьяссӧ и сӧмын сӧк, кор оз лӧсявны должностьыслы. Корны кӧ петны отставкаӧ, став выннимӧс та вылӧ тратитам, водзӧсыс оз ло. Ваясны мӧдӧс, лӧкджыкӧс, и мый сӧки, горзыны мед бӧр важсӧ бергӧдисны?

Веськӧдлысьсӧ колӧ доньявны оз сы серти, татчӧс морт сийӧ али варяг.. а сы серти, вайӧ-ӧ сийӧ бурсӧ республикалы или оз. Местничествоӧн да йӧршитчана руӧн овны оз лӧсяв. Сӧвмӧдӧ кӧ коми кыв, позьӧ и ошкыштны, оз кӧ – дивитны.

Ми корам сӧмын медым веськӧдлысьяс нуӧдисны бур да туяна политика. Велӧдас кӧ эськӧ Гапликов коми кыв, Кантэчан ютыр вӧзьяс, медым сылы удждон дорас кутасны мынтыны содтӧд сьӧм.

КАНТЭЧАН – КОНСТРУКТИВНОЙ ОППОЗИЦИЯ

Быд выль политической тренд, коді петкөдчө авторитаризм кадө, априори лоө оппозиционной. Оз вермы лоны провластной некыздз. Дерт оз кө лөсьөд ачыс властьюс кутшөмкө мудер могөн.

Кантэчан – тайө оппозиционной ютыр сы вөсна мый ас водзас пуктө дзик мөд могьяс, властьюс лөсвятөмьяс.

Кантэчан – оппозиционной котыр көть нин сы вөсна, мый өтнас зильө коми кывлы вичмөдны өтка медвылыс статус.

Но ми оппозиция конструктивной. Водзмөстчам, нуодам партийной деятельность мирной, Конституция да закон серти. Огө лыддьой «долой!» да «да здравствует!» чуксалөмьяс горзөмсө медбур политической воськовьясөн. Огө кутой сюртчаны быдсяма вензьөмө. Отставкаө некодөс огө кутой корны петны. Көть нин сы вөсна, мый талун став вынтө тратитан та вылө, бөрьявив уволитасны должностной лицосө (чужөмбансө), а аски индасны мөд мортөс, лөкджыкөс. И мый сэки вынтө пуктыны медым важсө бөр бергөдисны. Кадрөвой политикаын Кантэчан консервативной визя. Отставкаяс – абу петан туй. Ми тышкасям колана политической нырвизь вөсна.

Кантэчан кутас өт-уджавны, йитөд лөсьөдавны сөмын сэтшөм организацияскөд, кодьяс сулалөны коми кывлы статус лэптөм дор да асьныс демократической видзөдласаөсь. То есть өткымын либеральной котыркөд либө кельдыгөрд коммунистьяс, но некыздз не сталинистьяскөд.

Паныдөсь быдсяма рөма да рөмсикаса тоталитаристьяслы (фашистьяс, черносотенецьяс да с.в.). Тайөяскөд непоштө йитөд кутны, – матын сулавны оз позь, весиг өти сынөдөн лолавны.

Кантэчан оз кут сюртчаны популизмө, кызди вөчө уна мукөд организация, кодьяс зильөны кокниа шедөдны кивывлун, слөймөг да ошкана процентьяс. Оз используют донтөм пиар буретш сы вөсна, мый таысь водзөсыс

перыйссьö сöмын регыдъя кад кежлö, а дырджык кад бöрын став шедöдöмыс воштыссьö да вайöдö ворссьöмö.

Кантэчан пайсö, мый делöыс абу этничностьын да весиг кывйын. Öд эмöсь коми кывъя сэтшöм йöз, кодъяс дасьöсь гуавны чужан кывсö. Эмöсь и роч кывъя йöз, кодъяс гөгөрвоöны да ошкöны коми кывлы öтка статус вичмöдöмсö.

Экономикаын, экологияын, социальной юкöнын, финансыясын да с.в. Кантэчан оз петкöдлы выті зумыд визь. Тайö могъясыс абу мян. Эмöсь экономистъяс, экологъяс да мукöд. Но век жö öтдортчыны оз лöсяв. Лючки экономика должен кутчысьны рынок вылö, оз вермы не кутчысьны. Дерт, та дырйи йöзöс социальной дорйöгкöд öтвылысь. Экология боксянь кö, ни öти морт лючки вежöра кö сійö, оз кут ошкыны сійöс, мый твöритсьö Шиескöд, кытчö Московия йöз вылас сьöлыштöмөн кöсйö тювкнитны ёг полигон.

РОССИЯЫН КЫВЪЯС ДЗЕСКÖДАНА ЗАКОН КУЗЯ МÖВПЪЯС

Заводита сысянь, мый примитöм законыс антиконституционнöй. Оз лöсяв кызди республикаса Конституциялы, сідзи Россиясалы, кöні гижöма, мый республикаяс вермасны вынсьöдавны кана кывъяс. Тайö вывтiасяна кабаласö туйдiс Путин, буретш сійö, а эз кодкö мöд. Тшöктiс вынсьöдны сы вöсна, мый сылы кажитчö дзескöдны да ыджыдавны. Тайö воськолас тырвыйö петкöдчö вождылөн каприз да асныраасьöм, ме пö медся-медсяыс, а мемысь вылынджыкыс некод абу...

А мян республикаын воöдчисны сэтчöдз, мый интернетса изданиеöс штрапуйтiсны коми кыв вылын гижöдысь, кодöс вöчис Николай Удоратин. Татшöм дивöыс вöлі 7x7 сайткöд. Оз позь пö сэнi гижны комиöн. Со кутшöм олан серпасöдз гöгыльтчим! А мый коми газетъясын гижöны рочöн, некодöс оз майшöдлы.

Эска, воас кад, кор законсö киритасны. Водз ли сёр, но быть.

Законыс непоштö дзескöдана, но и юклö йöзсö кык пельö. Империя век юклис. Медым ыджыдавы. Документас эм сэтшöм понятие кыз «кыв новлöдлысьяс», рочöн кö носительяс.

Кантэчанлөн видзöдлас серти, Коми республикаса став олысьяс лоöны коми кыв «новлöдлысьясöн». Сöмын öтияс, этшаджыкыс – реальной, збыльсь «новлöдлысьяс», а унджыкыс потенциальной, вермана.

Пасья, сийö факторыс, мый вывтi этша морт сёрнитö комиöн, абу аргумент öткажитны комилы öтка кана статусын. Тайö аргумент буретш мöдарö, статус вöсна.

МЫЙЛА РОЧ КЫВЛЫ ОЗ ПОЗЬ КОЛЬНЫ КАНА СТАТУС?

Дерт, сюрас уна йöз, кодьяс уськöдчасны менö мыжавны сiдз шусяна русофобияысь. Но меным кö ляскыны «фоб» слогöн помасьысь пас, то меным лöсялöджык – имперофоб. Унаысь нин юөртлi мыйла.

Владимир Путин да сы дор сулалысь идеологияс шулисны: империя помасьö сэнi, кöнi помасьö роч кыв. Көть и шулисны эз империя, а Россия, но Россиясö гөгөрвоöдисны кыз империяöс. «Роч мир» лозунгыс, кодöс кыпöдисны некымын во сайын – тырвийö имперской проект. Кöсийöны писькöдчыны быдлаö.

Роч кыв да империя – синонимьяс. Öтияс мöдыскöд йитчöмаöсь сэтшöм топыда, мый лоины öтиторйөн.

Шуасьöмыс, оз пö ков коми кывлы сетны öтка кана статус, мед пö рочыскöд öти тшупöдын лоö, – некытчö шогмытöм видзöдлас. Весиг тадзи шуасьöны коми активистьяс, тшöтш и С. Елфимов, тайö висьталö сы йылысь, мый öти-кö, найö оз гөгөрвоны аскиалунсö, мöд-кö, коми кывйыс налы оз ков, налы колö власть. А власть ради позьö и вузавны кывтö.

Оз кöсийыны гөгөрвоны, мый колö осьлавны водзö, а оз кольччыны тöрытьяс кадас.

Быдён, кодi лыддьö, мый роч кыв – ен выйынöдз вежа да сылысь кана статуссö киритны позьтöмтор, – империалист. Национальность вылö видзöдтöг. Мортис, кодi ошкö кык канкыв – збыль вылас сулалö национальнöйсо бырöдöм вöсна. Татшöмъясыскöд Кантэчан некызд ёртасыны оз вермы и оз кут. Татшöм йöзыс миянлы туйтöмöсь.

Роч империалистъяс кужöны ылöдчыны. Найö гөгөрвооны национальнöй кывлысь тöдчанлунсö и буретш та понда медыджыд вын пунктöны сийöс бырöдöм вылö. Верманныд пö сёрнитны чужан му радейтöм йылысь, но сöмын рочөн. Со коми литературатö вуджөдiсны роч вылö. Мыйла? Медым сё во мысти позяс шуны, мый Иван Куратов да Виктор Савин быттьökö пö роч поэт да гижысь. Оз кö веськыда зырöмөн, то гөгльöдлөмөн Коми республикатö кöсийöны öткодявны Тульскöй либö Вологодскöй областкöд.

Мый кык кана кыв, мый роч кыв öтнас тайö статуса – öти чöрт. Мыйö вайöдiсны 1990-öд воясыд, кор «öткодялисны» кыкнансö? Сьö, мый первой ворсöдчисны сöвмөмөн, спекулилуйтiсны, а бöрыннас комитö бырöдiсны да таялисны. Сидз шусяна «двуязычие», кодi збыль вылас гөгөрвоана мый. Серпасыс волiс сэтшöм тешкодь казусöдз, йöз серамöдз, мый кор кансöвет видлалiс коми кыв сöвмөдöм вылö сьöм сетан бала, Мирошниченко корö, и роч кыв совмөдöм вылö стöч сы мында жö сетöй, öткодь правоаöсь кö кыкнан кывйыс, а кансöветса сэкса нырщик Кулаков шуö, да, да, сетамöй пö.

Кантэчанлы ёна матынджыкöсь роч кывъя либеральяс. Пасья, збыльысь либеральяс, кодьяс ясыда гөгөрвоöны, мый коми кывлы колö сетны öтка статус. Татшöмыс кöть öнисö зэв на этша, но эмöсь. А абу найö, кодьяс сöмын шуöны асьнысö либеральясөн, вöччөдчöны демократьяс улö.

Туйтöм законис – пыдiсянь кö мөвпыштны да аскиалунö видзöдны – нöшта öти аргумент, медым комины да Россияса мукöд войтырлы, кодьяслөн эм республика национальнöй кывйыслы сетны öтка кана статус. А кызди

сэсса мөд ногыс? Йёзөдөма вөлі өткодъ правоа кык кыв, но өтиыс быть велөдана, а мөдсө позьё чужъявны. Сідзкө медым өткодя велөдны, колө дзескөдөмыслыс статуссө лэптыны. Ог сумлевайтчы, тадзи и лоас, кор кадыс воас.

Миян республикаын комиыс кындзи статус вылө эмакутө правосө нөшта важ новгородса сёрнисикас Чилимдін районуын, дерт, коми кывкөд орччөн. Но некыз оз роч, московитскөй.

КОМИ – АБУ СУОМИ

Кодсюрө дерт жө ыстыяс Финляндия вылө, көні кык официальной кыв. Но тайө дзик лөсявтөм пример. Шведскөй кыв абу имперскөй, оз дзескөд финскөйсө. Мөдарө на, сёрнитысыс чинө. Шуам, 1917 воын кө шведскөй кывъясыс вөлі 10 процент, то өні кык пөв этшаджык, 5. Шведъяс, медым дорйыны кывсө, Аландскөй дяс вылын кывйыслы сетисны өтка кана статус, сэні финскөйыс некөн абу.

Сідзкө, оз ков ыстысыны Суоми вылө пример вайөдөм могыс.

Сэк жө эмось странаяс, көні өти и сийө жө кывйыс ыджыдалө уналаын да тырвийө статуса. Английскөй кыв пасйөма кызь ли комын ашөр кананын, арабскөйыс уналаын Матысса Асыввывсясын, испанскөй Латинскөй Америка пасытала. Позьё шуны, арабскөй мир, англо-язычнөй да испаноязычнөй мир йылыс. Мый та вылө вочавидзны? Сэні абу империяыс, сэні абу Москваыс, коді паразит моз юө вирсө аслас кабыр улө босьтөм муясыс. Найө дзик мөд планетаяс кодьөс жө. Сэні географическөй фактор өта-мөдсыс торйөдө, саридзъяс, океанъяс да проливъяс, кодьяс оз сетны өти шөринлы став вылас ыджыдавны. Та вөсна кывлөн төдчанлуныс либө ньөти абу либө зэв ичөт. А Россия-Московияын – ыджыд. Со мый понда Кантэчан водзмөстчө.

КОДӖС, МЫЙ ДА КЫДЗИ КОЛӖ ДОРЙЫНЫ

Помся кылам империалгьяссянь, колӖ пӖ дорйыны роч кывъя йӖзӖс, колӖ пӖ дорйыны роч кывъя йӖзӖс.... Войнаяс Кремль панлӖ та понда.

Да, ме тырвуйӖ сӖглас колӖ дорйыны роч кывъя йӖзӖс. Но колӖ ӧткодя дорйыны и став мукӖд национальностя йӖзӖс, тшӧтш и коми. Но оз война панӧмӧн.

Но оз ков дорйыны роч кывсӖ. ЙӖзсӖ дорйыны, а кывсӖ – оз! Сы вӧсна, мый роч кывйыс – тайӖ инструмент, код отсӧгӧн империя нуӧдӖ лӛк политика.

Дорйыны колӖ национальнӧй кывъяс. А роч кывъя йӖзлы отсавны велӧдны найӖс. Торйӧн кӖ, томгьяслы, а медвойдӧр челядьлы.

КЫВ ЁНА ТӖДЧАНАДЖЫК ШИЕСЫСЬ

Веркӧсас кӖ мӧвпыштны, менам видзӧдласӧй тешкодья да ошкыны позьтӧм. Чайта, сюрас уна йӖз, кодгьяс оз сӖгласитчыны.

Но сӛк жӖ ме видла подулавны, мыйла кыв ёна тӖдчанаджык, чем Шиес, пенсионнӧй арлыд да с.в.

Ме, кызди и Кантӛчан ютыр, пыдди пукта сийӖ йӖзсӖ, активистгьяссӖ, кодгьяс тышкасьӧны Шиесын (комиӧн кӖ СийӖс-ӛлын) ӛг полигон стрӧитӧмлы паныд.

Но юавсьӖ, мыйла артмисны Шиесыс да Россия пасьтала пансьыс ӛг чукӧртан полигонгьяс? Мыйын медглавнӧй помкаыс, вужйыс лоӧмторйыслӧн?

Став лӛкыс империя понда. Империя ӛнмӖ, Москва кызд «Нельӧд рейхлӧн» шӧрин быдмӖ, сӧдзкӖ кытчӧкӖ колӖ воштыны-инавны чукӧрмысь ӛгсӖ да шыблассьяссӖ. А кытчӧ? Сӧмын колониясӖ.

Ӛз кӖ вӧв империяыс, эськӖ эз вӧвны и ӛг полигонгьяс.

А империя кутчысьӖ, паськалӖ да ӛнмӖ сы вӧсна, мый кутчысьӖ, паськалӖ да ӛнмӖ роч кыв. Ӛз кӖ вӧв роч кывйыс, и империяыс эськӖ эз вӧв. Рочӧн кӖ сӛрнитисны сӧмын Москваын да Москва-берд областгьясын, а став мукӖд

муясас юргисны асланыс сёрнисикасьяс, некод эськө сэки эз лэдз ас му вылас стрөитны ёг чукөртанинъяс.

Кывкөртавны кө, кымын ёнджык подулыс роч кывлөн, сымын унджык лоё полигон. И мөдарё, кымын зумыдджыка национальной кывъяс кутасны сулавны кок вылас, сымын этшаджык лоас империялөн вывтiасьёмыс. Кывйид сетё национальной асвежөртөм.

Ме ёна көсья, медым Шиесса активистьяс тайёс гөгөрвоисны. Найё и ми, Кантэчан ютырса, сулалам аслыспөлөс фронтлөн өти дор-бокын, орччөн, но быдөнлөн асланыс участок.

Ми Шиесса став дорйысьсё пыдди пуктам. Жаль, мый Шиесса пөвстысь оз ставён пыдди пуктыны коми кыв.

Империясё кө өткодявны щуам ёгкөд, кодкөд колё тышкасьны, то шиесса сөмын нетшкө-вундалё стебельсё. А Кантэчан – вужсё. Стебельсё позьё помтөг нетшкыны, тайё весьшөрё, вужйыс кө эм, выльысь быдмас. А вужсё бырөдны, сэки... Со мый вөсна Кантэчанлөн уджыс ёна төдчанаджык шиессаысь. Жаль, унаён тайёс оз гөгөрвоны, либё оз көсьыны гөгөрвонысё.

Кантэчан чорыда паныд ёг полигонлы, но көсьё сөмын гөгөрвоөдны став йөзсё, мый ёг полигоныс эм сы вөсна, мый эм Московскöй империя. Колё нетшыштны ёг турун вужсё, сөвмөдны Россияса став национальной кыв, коми, марийскöй, карельскöй, вепскöй, а коркө гашкө и муромскöй да мерянскöй.

АЛЬБЕРТ РАЗИН ДА ЕВГЕНИЙ ЦЫПАНОВ

Туйтөм законыслөн бөртасөн лои шог лоөмтор: Ижевскын асвиөмөн помалис олөмсö (асьсö сötis) Удмуртияса нималана да пöсь сьолöма учёнöй Альберт Разин. Тадзи сийö йөзöдiс Россияын национальной кывъяс дзескөдан политикалы паныд протест. Эска, воас кад, кор сылы сувтөдасны памятник. Сэк жö лыддя неправильнöйөн вочөм воськовсö. Колё век жö овны да водзсасьны.

Көть кызди, а сэк кор Удмуртияса ученöй висьталіс курыд збыльтор, тайö кадö мян Евгений Цыпанов висьталö юмов сөрөм, яндысьтөм лөж, вочö «лөка ворсігөн мича чужөмбан (мина)» да быд керка пельöсын сьылö: ок и бура жö сөвмö коми кывйыд, ок и бура жö сөвмö. Сы вылö видзөдтөг, мый комилөн та боксянь серпасыс нöшта лөкджык, чем удмуртьяслөн.

Сэк, кор Альберт Разин вийсис чужан кыв вöсна, чукөрталіс кырымпасьяс, котраліс-бергаліс да горзіс-авзіс, Евгений Цыпанов дзебсясис кустьяс сайын, мудеритіс, кодарлань төлыс пöльыштас, сылань и бергөдча. Кор 2017-өд воын республикаын чукөрталісны кырымпасьяс, вöлі интернетын список, уна йöза, матö 30 морта, весиг Москваысь Анастасия Васильева кырымасьліс. Став төдчана йöзыс, и не төдчанаыс тшөтш. Эз вöv сөмын Цыпановлөн кырымпас. Тайö петкөдлö сылысь моральнöй чужөмбансö, беспринципностьсö. Думайтö аслас кивывлун шедөдөм йылысь, кырымася, а таысь менö чирыштасны, букыша кутасны видзөдны, друг карьера падмас, премия чинтасны... Кызд Чеховлөн Беликов, мед сөмын нинөм эз ло. Некод оз тшөкты Евгений Александровичлы босьтны кирпич да мунны танкы паныд, колö сөмын вомтö восьтывлыны.

А өд 1980-1990-өд вояс суйöрасигөн ме Евгений Цыпановс лыддя вöлі сюсь, төлка да збыльысь водзмөстчысь, чужан кыв вöсна вийсьысь мортөн. Никодяси сьөн. Но бöрынджык гөгөрвои, мыйся тайö морт. Менам личнöй отношение сы дорö бур, но чорыда паныд кыз шуласны концептуальнöя.

Цыпановлысь феноменсö петкөдлö психология наука. Торйөн кө, психологическöй комплексьяс юкөн. Кор öти комплекс компенсируйтчö мөдөн, воча-паныд сулалысьөн. Неполноценностьлөн (асьсö мукөдсьыс туйтөмджыкөн лыддян) вевтыртсьö превосходство (асьсö мукөдсьыс бурджыкөн чайтан) комплексөн. Буретш тайö бура эрдөдö да гөгөрвоөдö Цыпановлысь действиеяссö. Сылы зэв ёна

колö шедöданатор, артмög, вермöm, а бурджык дзонь триумф. Медым позис ошйысьны да шуны, со видзöдлöm, эм триумф, и триумфлөн творецыс. Батыс – тайö Евгений Цыпанов.

Но збыль вылас непоштö триумф, весиг жель мында артмög абу, кыв бырö сöветскöй кадысь на öдйöджык. Мый колö сэки вöчны? Мунны медся прöстöй да кокни туйöd, вермöмсö имитируйтны, ортсыбанавны, серпасавны, абутöмсö шуны збыльöн. И та вылын лэптыны асьыд котировкаяссö. Со мый вöсна быд гижöдын либö интервьюын Цыпанов век корсьö помка шуны, кывйыд пö сöвмö. Абу кө помкаыс, сё равно аддзас.

Цыпанов Россиясö гижöдьясас шуö Рочмуөн, мыйöн легитимизируйтö национально-территориальной образованияс киритöмсö да таdzi отсалö русификаторьяслы.

Канан Тэчан ютыр лыддьö Альберт Разинлысь воськовсö «бур сьölöмсянь вöчöм öшыбкаөн», тайö абу петан туй. Да зумыда сулалö сы дор, медым национальной кывьяс, кодьяс кутöны кана статус, вöліны школаын быть велöдана предметөн. И не час либö кык час вежаннас, мый верман тöдмавны кык часныс? А тöдчымөн унджык, программалөн ыджыд юкөн. Буретш сы понда, мый этша часын, и öтдортчöны. Унджык как кө сетсис, сэки гөгорвоисныджык кывлысь коланлунсö.

ИМПЕРИЯ ПЫДДИ КОЛÖ НАЦИОНАЛЬНОЙ КАНАНЪЯСЛÖН ÖТТАС

Но медглавной аргументыс со мыйын: кыв – геополитической фактор. Сёрни мунö тані оз куш видзöдлас-туйвизь, а доктрина йылысь. Збыль вылас кө мөвпыштны. Кремльса öти идеолог шуліс, империя помасьö сэні, көні помасьö роч кывлөн статус. И зэв стöча висьталіс, тырвййö прав мортыс. Буретш статусын делöыс, а абу роч кывйөн сёрнитысь лыдын. Киевын кызвыныс роч кывья, и Израильын миллион гөгөр вöвлöm россиянин, и Парижын и

Нью-Йоркын, но сэні Роч империяыс абу, сы вöсна мый роч кывлөн абу кана тшупöдыс.

А кор ыпнитіс война Донбассын? Сы бöрын, кор Янукович кадö Украинаса власть йöзöдіс асыввыв-лунвыв юкöнас роч кыв. Мыйöн ышöдіс империяöс реванш вылö.

Со мый вöсна ме сы дор, медым киритны роч кывсö Коми республикаын кана кывъяс лыдысь. Оз ков чайтны, мый ме тшöкта ставыслы пырысь пыр вуджны коми вылö. Ньöти ог көсйы тайöс. Мед сёрнитöны кызвыныс рочөн, тайö серпассö вежны öти здукөн он вермы. Помкаыс мөдторйын, Роч кывлөн статус петкөдлö, мый ми империяынöсь... А абу кө статусыс, ми абу нин империянöсь. Статусыс символ сяма, көнөсь ми. Бара жö оз ков чайтны, мый ме чуксала торйөдчыны. Абу тадзи. Ме чорыда паныд сепаратизмлы. Öттасыс сы могысь и пансьö, медым войтыръясöс да нациясыс öтутны, а не юклыны.

Менам туйвизь: империясö колö ньöжйөнник, нежнöя демонтируйтны, разьны да сы инö котыртны Национальнöй кананъяслысь Федеративнöй Öтгас (Союз)!!! Тайö медся тöдчанатор. Мөд петан туйсö ог аддзы.

Мый сійö «öттасыс»? Сійö думыштöм термин, көді гөгөрвосьö кызд федерация либö союз. Но абу мукөд федерацияяс кодь, гашкө матынджык евросоюзлы, но век жö аслыспөлös. Кутшöм аслыспөлös туйөд восьлалö российскöй политика да история. Позьö вöлі «öтув» термин пыртны, но кывйыс вывті банальнöй, бонзьöм.

Видла öбьяснитны, мыйла колö Öттасыс. Мыйла сійö бурджык да аскиа олөмлы лöсяланаджык. Да сы вöсна, мый сылы эм сöмын кык альтернатива и кыкнаныс туйтöм. Либö-либö бала серти. Либö коляс империя, а империя – тайö диктатура, тайö нартитöм, тшыглун, правотөмлун, бөръявыв империя – тайö война.

Мөд альтернатива – Россиялөн киссьöм, сы местаын торпыригъяс артмөм. Кодкө кугас нимкодясьны, киссис кө и бур, сідзи сылы и колö, пежгаглы. Ме серти, тайö вариантыс сіджö вайөдö лекторйö. Водзджык либö неуна сёрджык

быть «садьмасны» (оз вермыны не «садьмыны» априори) да водзмөстчасны политической вын-котыръяс, кодьяслөн могыс бөр ловзьөдны империясө. А тайö вайөдас гражданской войнaö. Косыс лоас условнöя кö шуны империяльяс да региональяс костын.

И кодi шедöдас вермөм гражданской войнaас пансяс кö сийö? Менам симпатия региональяс дор, но мөдьясылөн унджык позянлун. Абу лыд понда, а сы вöсна, мый региональяс кутасны синны демократиялань, а империяльяс кутчысьны тоталитаризмө. Öтмында кö выныс, тоталитаризм вермө, сы вöсна мыйджсьö чорыд дисциплина да стрөг пöрадок вылө. Со мый вöсна Гитлер кокниа пасьвартис Францияöс да Англияöс, кöть мөдьясылөн вын-лыдыс волi унджык. Стöч тадзи жö и 1471 воын Иван Третийлөн Москваса войско, кодлөн лыдыс вöли вит сюрс, вермис Новгородлысь матö кызь пöv ыджыдджык дружинаöс. Сидз шусяна народнöй ополчениеыс 1612 воын эз жö вöv ёна ыджыдөн, но сяммис захватитны Москвасö. Мыйла? Имперской вежөртасыс зэв ён, зэв мотивируйтысь, öтувтысь.

А демократия кöть и буртор, но тырмытöмтора. Мыйла Россия ворссис Первой мирöвöй войнaын? Сы вылө видзöдтөг., мый первойсö тышкасис бура, 1916-өд воын вöчис ыджыд артмөг, Брусиловскöй прорыв, сэкса войнaын медыджыд войскöвöй операция, а во мысти фронт виччысьтөг киссис? Помкаыс – армияын демократизация.

Кыкнан шыбöлитчан альтернативаыс вайö лөк. Империя ыджыдалигөн диктатура либö сылөн киссигөн хаос. А Öттасыс вермас пöртны олөмö зарни шöракоствысь мог да не сетны ыджыдавыны крайностьяслы. Но Öттас лоас тыр-бура эффективнöйөн, лоас кö сийö ставсö арталан системаөн.

МЫЙЛА ПУТИН ЁНМÖДÖ МОСКВАСÖ?

Шöрин да регионъяс костын отношениеяс кузя темасö водзö кöсья видлавыны. 1980-өд вояс помассигөн Москваын олис 8 миллион морт. Неуна унджык. Öни Первопре-

стольнойын мато 14 миллион олысь. Комын воон содис пошти кык пов. Кони ещо свет вылас эм татшом дивойс?

Мыйла тадзи вочсьо? Мыйла Москва полтчо?

Помкаыс сын, мый Россияса власть вочо превентивной вощков. Ёнмодо имперской шоринсо. Гогорвоо, сточджыка ко чувствуйто аския вежсян русо, мый Россия водз ли сер кутас жебмыны да резьдыны, регионьясын паськалас сепаратизм. Абу национальной республикаяс – главной угрозаыс империялон эмаоломлы, а областяс да крайяс. Шиескод лоомторыс – зев ярьюгид пример.

Кремльлы кивыв, медым Москваын олис кызд позьо унджык морт, а регионьясын этшаджык. Москваса векджык кутас сулавны имперской шорин дор. Сылон таын интерес. Сэни бурджыка да потосаджык олоны, вылынджык олан тшуподыс. Оти кывйон ко, москвичьяс кион подтыны потенциальной сепаратизм.

ЭМ-О РОЧЫС КЫДЗ НАЦИЯ?

Мый сийо сэтшомыс, кодос нимтоны роч войтырон либо роч нацияон? Ме лыддя, мый рочыс кызд нация збыль вылас абу. А эм дасысь унджык, а гашко некымын дас нация, войтыр, этнос да народность. Энциклопедияын гижома, мый роч нация заводитис артмыны 14-од нэмын. Кызд тодса, сэк жо и заводитсис Москвалон кыподчом-ёнмом да империялон вуж пуктан кад.

Став мукод войтырьясо портйын моз сывдисны. Кызди металлургьяс сывдоны разной металлысь сплав. Кывьяссо быродалисны да тувьялисны Москваса сернисикас, код подувылын и артмодисны талунья роч кыв.

Сидзко шуасьомыс, мый Комиын кызвыныс роч кывья да мый колосылы кольны статуссо, – абу аргумент. Меню вермасны вомавыны, мый Чилимдин районын роч кывьяяс олоны некымын нэм чож. Но сэни овмодчылисны Новгородса йоз, кодьяс корко пыйшылисны Москвалон политика понда, коди нартитис, дзескодис да тшоқыда виалис. Чорыда Иван

Третий кадö, а зэв ёна, төкөтö эз геноцидöн Иван Грозный дырйи. Весиг сэтшöм морт, кызди Карамзин, империяöс ошкысь да дорйысь гижысь да историк, гижлис та йылысь, мый юрсиыд сувтлас.

Чилимдін районуын кыв политика кузя менам видзöдлас татшöм: сэнi должен лоны кык официальной кыв: коми да важся-новгородса сёрнисикас. Тайö сетас водзöссö да бурсö ставнымлы. А воррсясны сöмын имперской идеологияс, кодьяс быд пöрйö ыззöдны чилимдінсаöс комияслы паныд.

Сидзкö, сöмын Коми республика дорьяс чилимдінсаöс, а империя вайис да коляс кö свет вылас, водзö кутас вайны куш лёктор да пикö воана олöм. Ставнымлы. Та дорö колö содтыны, мый роч кывйыс збыль вылас московитской.

Менам видзöдлас серти, рочыс кызд нация абу. Сэнi сорлалöма уна сикас вир. Россиялөн войвывс юкөнса рочьяс 80-90 процент вылö финно-угорьяс. Лунвывсаяс пöвстын петкöдчыссьö тюркской да быдсяма кочевникьяслөн элементьяс. Рочьяс лыдын вель уна йöз, кодьяслөн рöдас вöлины немечьяс. Бенкендорфьяс, Паленьяс, Крузенштерньяс, Беллингаузеньяс, зэв ов. Кытчö вошисны потомокьясыс? Вежисны овьяссö роч вылö.

Но сэк жö лыддя, мый рочыс эм кызд национальность да ментальность. Национальностьяс петкöдсьö прöстöй мортлөн, кодi олö-вылö да ёнасö ыджы материясөн оз интересуйтчы. Но тайö мортыслөн вужйыс абу роч, а кутшöмкö гашкö мурома либö мера, печенег либö водь... Ментальностьыс петкöдчö сöмын öткымын йöзлөн, гашкö процентысь этшаджыклөн, кодьяслөн вежöрас сирасьöма имперской психология. Либö сэтшöм йöз, кодьяс кыв вылас дивитöны империясö (Сыктивкарын эм öти татшöм морт), но поведениеыс эрдöдö найöс, быдлаын асьсö чайтöны кызд гортас (мой адрес не дом и не улица).

* * *

Öти кывйөн кö, национальность да ментальность эм, а нацияыс абу. Верма-ö вежны видзöдласöс? Верма сöмын сэк,

кор лоас лоомтор, кодї ясыда петкөдлас эмлунсө. Подулалас мый век жө эм. Кутшөмджык лоомтор?

Россия Федерацияын кө збыльысь пуксяс демократия и оз ло авторитаризм. Кыдзи подулавны, мый сэнитө, сэтшөмтө кананын эм демократия, а мөдын абу? Демократияыс эм сэни, көні нуөдөны честной бөрийсыөм и сылөн кывкөртөд серти власть да веськөдлысыяс ворсыөны да та бөрын юрнуөдан вөжжисө сетөны оппозициялы. Водз ли сөр. Та дырйи кананыс кольө дзоньвидзаөн, пытшкөсса олөмыс оз дзугсы, территориальной өтувъялун оз торксы.

Путин кө друг ворсыяс да эновтас креслөсө, а властьсө сетас Явлинскийлы либө Навальныйлы, а Россияын оз кышты ашшөрлун-суверенитетьяслөн парад, сэки ме кута эскыны, мый Роч Нацияыс эм збыль вылас.

Но сыын-тө и став делөыс, мый тайө сюрөсас ог эскы. Эм и пример, код вылө мыджся. 1917-өд вося февраль бөрын торйөдчыны заводитисны не сөмын национальной регионьяс, но и роч губернияяс. Эз кө большевикьяс бөр чукөртны империясө, некод сэсся эз вермы тайөс вөчны.

Кремль бердса идеологияс помся дольөны, сетны кө пө Россияын ыджыдавны демократиялы, миянөс виччысьө революция, оласногыс дзугсяс, а өтувъя странаным разалас торпыригыяс вылө. Та вөсна колө пө властьсө кольны Путинлы, «Единая Россиялы», а оппозициясө дзескөдны, гайкаяссө зэлөдны.

Ме сөглас кремльсаяскөд, но өти веськөдчөмтор пасйөмөн. Да, збыльыс лоас нелючкиыс да хаосыс демократизация дырйи. Но он кө заводит вежсьөмьяссө, кутан кө пыр өнджыка и өнджыка зэлөдны гайкаяссө, революцияыс лоас неизбежнойөн (пышйыны позьтөмөн) да лоас сийө ёна чорыджык.

Мыйла Россияын 1917-өд вося революцияыс вөлі шуштөмөн, вайөдіс уна лекторйө да висьтіс уна вир, сетіс шогмытөм бөртас? Сы вөсна, мый тайө вөлі сөрмөм революция, воддза властыс асьсө кутіс чорыда, пөдтіс ставсө, кодөс чайтіс оласног дзугысьөн.

МЫЙ МӨВПЫШТИС ПУТИН?

Январ 15-өдө Путин паніс Россияын вежсьомьяс. Медвойдөр Конституцияын. Тайо шусьо властьлөн транзитөн. Быдсяма экспертгьяс да аналитикгьяс помся юксьоны видзөдласьясөн да чайтөмьясөн, мый көсйө Путин. Кызвыныс лыддьө, мый ВВП лөсьөдіс Госсөветсө, медым сэтчө пуксьыны веськөдлысьөн, водзвыв власть вөжжирьчаг-бедьсө вуджөдөмөн, меститөмөн, а президентөн лоо кодкө мөд морт.

Ме абу уверен сө процент вылө, но чайта, мый Путин көсйө кольчыны президентөн, а өтпырйө и Госсөветса юрнуодысьөн. Өтлаөдны кык пост. Медым ёнмөдны вальдысь власть позянлуньяссө.

Та могысь и котыргіс аслас указөн Конституцияө вежсьомьяс пыртан уджалан котыр. А котырыс зэв аслыспөлөс: правөведыс сэні пөшти абу, сэк жө кызвыныс артистгьяс, спортсменгьяс, пианистгьяс. Вунөдіс пыртны сөмын циркса клоунгьясөс. Оз ков сумлевайтчыны, тайө котырыс вөзгьяс киритны Конституцияысь пасйөд, коді непозьөсалө өти и сйө жө мортлы президентавны суйөралана мында срокись унджык. Медым Путин вермис кольны власть бердын нэм чөжыс.

Мыйла ме тадзи лыддя? Путин кө пукгьяс Госсөветө, а президентөн лоас кодкө мөд, көть медбур ёртыс, нацнырщиклы муөдзыс копрасьысь, сйө тодмышкалас Путинсө. Водз ли сөр. Сы вөсна, мый президент кыын став полномочиыс, сйө став йөзөн бөрийөм веськөдлысь, а госсөветса нырщик коді? Некод! Мыйла тадзи лыддя? СССР-сө коді кисьтіс? Эз антисөветчикгьяс да сепаратистгьяс, а «верной ленинегьяс», реском-обкомгьясса первой секретаргьяс, кодгьяслөн могыс вөлі видзны социалистической Аймунымөс. Сідзжө и Путинлы колө повны оз оппозиционергьясысь, а «верной путинегьясысь».

А медым позис зумьдджыка подулавны колана вежсьөмсө, вермасны и панны ышмасны кө кутшөмкө нелючки, кыткө дзугны, шуам имитируйтны, инсцени-

руйтны, быттьоавны канкымыньтөм. Вермасны панны и республикаяс былө усьласян кампания. Но тайö сөмын версияс и надейтча, мый найö оз збыльмыны.

Эм нöшта петан туй: Римса император Калигула ногөн, кодi сенатö пыртлис... вöвсö. Путин вермас индыны президентö сэтшөм мортöс, кодi лоас сылысь век кывзысьсысьö, абу политикöс, а рөдвужöс либö дзикöдз немö воом мортöс.

КАНТЭЧАН ПЫДДИ ПУКТÖ ТЕРРИТОРИАЛЬНОЙ ДЗОНЬЛУН ПРИНЦИП

Международной правоон урчитөм территориальной (мутас) öтувьялун да дзоньлун, суйöрьяс торкны позьтөм принцип – зэв төдчанатор. Сэк жö эм и мөд коллизия, воча-паныд синан визь, нацияслөн асбөрйөм (самоопределение) былө инөд. Öта-мөдыскөд тайö кык принципыс оз лөсявны. Сэтчөдз мый косьö вайөдöны. Позьö-ö аддзыны зарни шöракостсö? Международной право шуö, колö пö кужны öтпырйö пыдди пуктыны кыкнансö и та дырйи не вайөдны тышöдз.

Россия Федерацияын 80 гөгөр субъект. И быдөнлөн эм территория да суйөр. Республика коть область либö край.

Öнiя тэчасногыс тэчис сöвет властылөн медводдза воясö. И юклiсны тшöкыда разi-пели, несправедливöя. Шуам, уна мутас, код былө коми эмакутö правосö, вöли öтдортöма миян автономияысь да веськалiсны мукöд субъектыясö, Архангельскса, Вологдаса, Кировса областыяс борд улö.

Кантэчан ютыр вöзйö сийö муясас, кöни нэмьяс чöж овлiсны комияс, коми кивлы сетны кана статус. Пример пыдди, Вологодскöй областылөн асыввыв юкöныс комилөн историческöй му, рытиввылыс – вепсьяслөн. Стöч тадзи жö и Архангельск областкөд, кöни вужвойтырьясөн лöоны комияс, вепсьяс да яран (ненецьяс). Налысь кивьяссö колö эськö сэнi йöзöдны. Ме чайта, тайö кивыв и сэтчöс властыяслы. Öд петкөдчас кö национальной компонента,

областьяссö позяс кыпöдны республика тшупöдöдз, а территориясö юклыны кантоньяс ногон, кыдзи вöчö Швейцарияын. Шуам, вепсьяслön кантон, комилön, ненецьяслön.... Та кузя менам эмöсь торья мöвпьяс, но гашкö коркö мöдысь паськыджыка юорта. Öнисö балаыс артмö фантастика руа. А сідзсö Россияын олöмыс ставнас фантастика, быдтор вермö лоны.

УНА-Ö ЗБЫЛЬ ВЫЛАС КОМИЫС?

Миянлы век дольöны, мый комиыс Коми республикаын то ли 23 процент, то ли 22. Донъявны кö вир-генетика серти, то тöдчымön унджык. Вайöдöм процентьясыс чинтöны комилысь лыдсö, сы вöсна мый помся, дугдывтöг не öдсö ассимиляция политика, код понда пыр унджык морт гижсö рочön.

А босьны кö Россиясö (ог кут мушар йылысь сёрнитны), то юавсö, уна-ö збыль вылас комиыс генетическöй вуж серти? Вермас лоны некымын миллион, а артавны кö «сораса вира» йöзöс, то код тöдас, гашкö колö сёрнитны некымын дас миллион йылысь!? Атлас-картаысын бура петкөдлöма, кöни овлісны финно-угорьяс водзті, тököтьö эз Украинаöдз. И Москвасö шымыртöмön.

Веськыда висьтала, ме паныд юклыны йöзсö этничность вылö, но кöсья сöмын акцентрируйтны видзöдлассö збыльтор вылас. Сы вылö, мый сідз шусяна роч нацияыс артмис став мукöд войтырьяссö «сывдöмön». Кыдз быттö пöртйын либö доменнöй ли мартеновскöй пачын сывдöны разнöй металлысь öти сплав. Империялön проект.

ВА КЫВ ЙЫЛЫСЬ

Мыйла Кантэчан оз ошкы ва кывйö, а торйön нин цыпанизмьясö шыбöлитчöм? Сы вöсна, мый ми кöсьям, медым Коми лоис мирöвöй сообществолön лючки юкөнön. Мирса медбураджык олысь нацияслön кывьясыс йитчöмаöсь öта-мöдыскöд да заимствованиеяс ö зэв ёна «ёгöссöмаöсь». И некод та понда оз бöрд.

А медся сөстөм кывъясыс көнөсь? Папуа-Новая Гвинеяын да Африкаса племеналөн. Кыгчө цивилизацияыс эз удит пискөдчыны.

Корсюрө чаетсьывлө, мый ваөдөмыс – тайө латентной русификация. Öткымын коми активист сёрнитө либө рочөн, а оз кө рочөн, демонстративной ва кывйөн.

КАНТЭЧАНЛӨН ЛЕКСИКА ДА КЫВ СТИЛИСТИКА

Кантэчан – политической организация, кодэ уджалө коми кыв вылын. Сидзкө должен лоны политической стилистика да колана терминология.

Кывйөн вөдитчан тэчасыс, синтаксисыс должен лоны прөстөйджыкөн. Тайө содтас коми кывлысь динамикасө да лоө помкаөн ышөдны велөдны сийөс мукөд кывъя йөзлы.

Политика – динамичной да мобильной сфера. Сидзкө кывйыс должен лоны лөсяланаөн тайө логикаыслы. Могыс: дженьыд кадколаст-здукөн висьтавыны унджыктор да стөчджыка.

Художественной произвeдениeын кыв – тайө лексема. Политической текстын лексемаяс да терминьяс, юридическойын быд кыв став сё процентыс должен лоны терминьясөн.

Менам чайтөм серти. коми кывтө позьө юкны вит сикас вылө, 1. кыдъя коми, 2. лючки коми, 3. сөстөм коми, 4. ва коми да 5. цыпанизмьяс (Евгений Цыпановлөн списокө пырысь виль кывьяс).

Кантэчан кутас мыджсьыны мөд да коймөд пунктьяс вылө. А став мукөдыслы паныд, торйөн нин бөрьяыслы.

Ми кутам зильны вөдитчыны сөстөмджык кывйөн, но босьтны кө төд вылө мый комиын оз тырмыны терминьяс, кутам вөдитчыны и мукөд кывьясысь воём заимствованиеясөн.

Сэк жö Кантэчан кутас вөдитчыны международной терминологиясөн, сийө кыв-лексемаясөн, кодьясөс используйтöны став мирса нацияяс. Найөс комиөдны оз

лөсяв. Тайö оз ков. Мирса медся сөвмөм кывьясыс öкурат найö, кöни эм лючки пропорция аслыссикас самобытнöй лексемаяс да унифицированнöй терминьяс костын. Ютвр лыддьö, мый тайö пропорцияыс должен соблюдайтчыны и комиын. Сийö кывьясөн, кодьясөн вöдитчö став мирыс, долженöсь сідзи жö вöдитчыны коми кыв вылын сёрнитысьяс.

Пример пыдди, сэтшөм кывьяс, кызди «демократия», «политика», «элита», «интернет», «конституция», «оккупация», «либерализм», «консенсус» да сідз водзö. Лоас торья индöд, код серти став выль понятиеяс, кодьяс пырöны общественнöй олөмö мир пасьтала, оз ло комиодöма, дерт официалнöя. Кодлыкö кö кажитчö ваөдны-цыпанизируютны, мед вöдитчас кыз шуласны аснаукөн, на общественных началах..

Ютыр лыддьö олөмыслы лөсявтөмөн, мый ваөдöмны «интернет» «политика». «Öтуввез» пö да кутшөмкö «кансям» пö сы пыдди думыштöмаöсь. Тайö вывтiасьöм. Видлöй комиодны «государственная политика». Артмас «кананлөн кансям». А «политика национального государства», тöд вылö кö босьтны, «нация» пыдди ме ворсöдчөм могысь, патетическöя вöзйылі «канвойтыр». Артмас дзикöдз нин выя вый, – «канвойтыра кананлөн кансям». Кора дугöдчыны тайö цирксыс.

Тайö ворсöдчөм вылас öти морт вöчö карьера. Мый пöшти ставыс оз лөсяв, сылы веськодь. Мед сöмын кормушкаыс колис дзонь.

Корсюрö чайтсьö, мый коми кывтö ваөдöмыс – төкөтьö абу латентнöй русификация. Ог тöд, гашкö тадзи и эм. Но тöда сöмын, мый öтвьяс да кансямьяс да гордкөчьяс некутшөм бокөн оз инмыны коми кыв сөвмөдөмö. Найö оз сөстөммөдны кывтö весиг войт мында. Абу сөстөммөдөм, а цыпанизируютөм. И сетöны бурсö оз нациялы, а куш öти мортлы, карьера пос кузя кыпöдчөм ради. Коді мудеритö, ылöдчö. Коді эз кырымась кывтö дорьян заявление улас, кор Россияын примитлісны дзескөдана законсö, повзис, – а друг... А кор кивыв, мортыс образнöя ко шуны, рөдтö

ставсыс медводдзын еджыд вöv вылын киас флаг кутöмөн, а кор абу кивыв, кор непоштö вермасны накажитны, а сöмын юрсиöдыд не малыштны, мортыс дзебсясьö кустьяс сайын.

Медся лöсяланаыс, оптимальнöйыс, – не шабöлитчыны ни сэтчö, ни татчö. Тöдны, мый колö комиöнджык висьтавыны, а мый туйö и заимствуйтан вариантыын. Öткодявны кö кывсö шуам быдмögкöд, то вужйыслы быть колö лоны комиöн, сийöс ньöти оз позь вөрöдны-дойдны, а увьяссö корсюрö ковмывлö и вундалыштны, кор вывтi ёна чурвидзöны.

ПОЛИТИЧЕСКÖЙ ТЕРМИНОЛОГИЯ ЙЫЛЫСЬ

Политическöй кыв – тайö аслыспөлöс эрд. Кöни эмöсь сикас дорас требаваниеяс. Мобильность, динамика да стöчлун. Öнисö жö, кызди тшöкöны гижны коми газетьясын, тайö правилöясыс чорыда торксьöны. Гижöй пö любöй ногөн, мед коми руа вöли. Коми ногөн юргис. А вежөртасыс кусыньтчö-торксьö. Стöчлуныс горе-филологьяс абу ыджыд коланатор. Налөн асланыс интерес, карьера, кормушка, тшöтш и власть, кöть абу веськыда административнöй, а ёнджыкасö психологическöй. Налы колö ортсымич. Кызди, шуам, шоколад көрöбкаыс ортсысянныс мича-югьялысь, а пытшкöсыс тыртöм.

Помся йöзöдöны словарьс, кывчукөрьяс. Ог кут видлавыны бытöвöй да социальнöй тöдчалунасö. Сöмын политическöй терминологиясö, кодi веськалис менам киö, 2013 восяыс. Прöстö шензьöдö. Водзкывыс зэв пафоса, ышнясяна да вывтi вылыс тшупöда. А содержательнöй юкöнас ни öти кыв оз лöсяв. «Авторитарныйыс» вуджöдсьö «этштöг веськöдлана». Быттö тоталитаризмыс этш тöдана. Позьö ставсö видлавыны, но кадыс та вылö жаль. Весиг абу халтура, халтурасыс кöть водзöс эм, кöть неыджыд, но эм. Тайö мыйкö мöдтор.

Словарсö дасьтöма сöмын öти могөн, медым петкöдлыны мый сийö эм. Форма ради, содержаниясö тöдыв вöсьттöг. Пиар ради. А пиар отсалö карьера пос кузя

кыпӧдчыны. Эм сомын ӧти стӧча вуджӧдӧм кыв: гонка вооружений – оружие чӧжӧмын ордйысьӧм. Но тадзи вуджӧдлісны и водзті, сӧветскӧй кадӧ.

Республикаса Конституциятӧ коми вылӧ вуджӧдӧны сідзжӧ мода вылас. Сы вӧсна, мый некод сійӧс оз лыдды ни вӧдитчы. Художественнӧя, тӧкӧтьӧ оз поэтическӧя. «Многонациональный народ» лоӧма «уна сикас йӧз». Бӧр кӧ роч вылӧ вуджӧдны, лоас «многотипные» либӧ «многосортные люди». Комиӧдны колӧ тадзи: уна национальность войтыр. А «сикас» кывйыслӧн мӧдджык вежӧртас, петкӧдлӧ социальнӧй понятие, тайӧ и арлыд, и профессия, и озыр-гӧль вылӧ юксьӧм, и весиг ориентация.

Конституция – юридическӧй документ, кӧні быд кыв должен лоны стӧча тыдалана терминӧн. Ӑти кыв мӧдӧн оз позь вежны, абу тайӧ художественнӧй гижӧд. «Источниксӧ» комиӧдӧмаӧсь кыз «подув». Но подулыс – тайӧ основа. Колӧ мӧд кыв. Источникыс – кытысь петӧ мыйкӧ, мый артмӧ да ёнмӧ. Либӧ колӧ сідзи кольны, либӧ комиӧдны мӧд ног, шуам, вужлӧс, вужпуктӧд, петасін да с.в.

Юридическӧй документъяс вуджӧдӧм – калька. Кодлыкӧ оз кажитчы тайӧ кывйыс, но стӧч тадзи и эм. Тані оз позь непоштӧ ылӧсас бергавны, но и матысса вежӧртасаӧн вӧдитчыны. Колӧ тютелька в тютельку, миллиметр бокӧ оз позь.

* * *

Политическӧй текстъясын Кантэчан медвылӧ пуктӧ кывлысь стӧчлун да динамика. Мӧд ног оз вермы лоны. Абу кӧ стӧчлуныс, гӧгӧрвоны позьӧ неправильнӧя, а тайӧ вермас вайӧдны ыджыд лекторӧ. Кыв мобильность колӧ сы понда, мый политикаын зэв тӧдчанаторйыс – кад. Этшаджык кадӧн колӧ унджыктор висьтавны. Та понда вермас лоны, надейтча оз тшӧкыда, мый кӧнікӧ оз ло коми аналогыс, ковмас используйтлыны и кыдья вариант. Дерт, мӧд петан туй кӧ оз ло.

РОЧА-КОМИА СЛОВАР ЙЫЛЫСЬ НЕКЫМЫН МӨВП

Кызд казали, 2003 воё лэдзём русско-коми словарыс шогмытөмджык 1966-өд восясьыс. Воддзаыс вөчөма лабутнөйджыка, академичнөя, колана ногджык. А вильджыкас тырмытөмторыс йитчөма 1990-өд воясө вывтiasьөмкөд, торйөн кө петкөдчө ставсө «ваөдны» зильөм. Ог нин шу цыпанизация-игушизация. Кутшөмкө эйфория сора тэрмасьөм, быттьө шахматист веськалис цейтнотө да өдйө көсйө петны нальксьыс.

Торьякывьяс кузя неуна. «Казньсө» вуджөдөмаөсь «лов босьтөм». Некытчө шогмытөмтор, халтура. Юавсьө, а бандитыс, коді виө, оз босьт ловсө? Сідзи жө босьтө, но сылөн мыжыс шусьө оз казньөн, а уголовнөй преступлениеөн.

Сідзкө, кывсө вуджөдөмны неправильнөя, мода вылас, мед сөмын мыйкө любөйтөр гижны-парсавны.

Кызди колө «казньсө» комиөдны? Либө некызд оз, сідзи и кольны – казнь, либө дзик мөд ног. Мый сийө збыль вылас? Сийө виөм, кодөс приговор либө приговоркөд өткодялөм индөд серти вөчө канан либө кананкөд өткодялөм структура, шуам, отряд, банда да с.в.

Сідзкө либө кольны роч вариантын (некутшөм русификация тайө оз туйд), либө кызкө комиөдны. Шуам, канвиөм (но тайө оз туй, а то помся «кан» паныдасьлө), либө индөдвиөм, либө дженьдөдөмөн индвиөм.

Ме лыддя, мый словарьяс дасьтөгөн редколлегияс колө пыртны не сөмын филологьясөс, кодьяс ньөти мөвпавтөг «лов босьтөмсө» и гижөны, но и лөсялана специалистьясөс. Кывйыс кө юридическөй вежөртаса, юристөс, политическөй кө, то политологөс, а социальнөй төдчанлуна кыв кө, кызди, шуам, «казнь» кывйыс, – социологөс. Мед эз вөв некутшөм казус.

КАНТЭЧАН БЕРДЫН ЛОАСНЫ КЫВ ЛӨСЬӨДАН СТРУКТУРАЯС

Сы понда, мый Коми республика сэтчөс өнiя веськөдлысыяс пас улын оз пöрт коми кыв дорьян могьяс, тайö функциясö босьтас аслас пельпом вылас Кантэчан ютыр. Гижли нин, мый уджалö организацияыс сöмын коми кыв вылын. Ютырлөн официальной кыв. Комиын öтнас татшöмыс. Дерт, удайтчас кө öтувтны ютырымöс организацияö. Та вöсна ютыр бердын лоасны комиссияяс. Көть нин öти комиссиялы быть колö лоны, политической терминология кузялы.

А республикаса правительство бердын должен лоны структура, кодлөн могыс збыльмöдны комиссö кызд кана кыв. Ме эськө вöзйи татшöм юрним: «Кана кыв олөмö пöртан департамент». Либö дженьыдджыка прöстö «Кана кыв департамент». Абу министерство, а улысджык судтаа структура. А дженьдөдөмөн позис эськө шуны: канкывдеп. Либö кывдеп. Ме век вöли торьякывьяс дженьдөдөм дор, компактность да мобильность ради. А филологияса чиновникьяс оз радейтны дженьдөднысö. Вöчöны бюрократической сюрöс да стандарт серти, воськов шуйгавылö, воськов веськыдвылö öткодявсьö пышьялөмкөд.

Та понда канкывдепсö мөвпалам лөсьөдны ютыр бердын. Сийö кадöдзыс, кытчөдз республика оз босьт ас вылас тайö могсö.

Кана кыв департаментлөн уставас должен стöча пыртöма пасйөд, мый тайö структураыс кад-кежся (кад-кежсясö гижа ог торйөн. а дефис пыр, верми и öтлаын, сы вöсна, мый тайö öти-öтувья понятие, временный). Уджавны кутас сийö кадöдзыс, кытчөдз коми кыв оз пыр кызд шуласны вынйөрö кызд тырвийö кана кыв. Кор лоас канаөн да быд юкөн-сфераын кутас функционируйтны, сэки кывдеп кирит-чыссьö. Сыын коланлуныс оз ло.

Ме лыддя, мый колё мынтыны содтөд съём роч да мукөд кывъя йёзлы, кодъяс велөдісны коми кыв. Налы, кодъяслөн чужан кывйыс абу коми. Менам кө вөлі позянлун, тайё проблема дорас матыстчи дифференцированнөя. Төд вылө босьтөмөн, кодлы колё, а кодлы оз. Мортлы, кодлөн семьяяс, рөдас абу ни өти коми, некод комиён эз сёрнит, сыысь на унджык, сійё республикаө воём, ме эськө мынті удждон дорас содтөд, но сөмын кутшөмкө кад чөж, шуам, куим во. А мортыс кө чужөмсяньыс коми кывъя либө чужліс коми семьяын, татшөмыслы некутшөм содтөд эськө эг сет.

Лоө бур, лоө кө урчитөма положение, код серти чиновникъясөс юкласны категорияяс вылө кыв төдөм кузя, шуам, А, В, С, Д.

КУТШӨМ МЕДВОДДЗА ВОСЬКОВ КОЛӨ ЭСЬКӨ ВӨЧНЫ КАНТЭЧАНЛЫ?

Медым өтувтны котыр, та вылө колё бур организаторскөй сямлун да енби, кодъясөн ме ог вермы ошйысьны. Дерт жө, колёны йёз. Вермас лоны, мый нинөм оз артмы, ставыс визувтас каньлы бөж улө.

Удайтчас кө аддзыны кык-куим мортөс, тайё лоө ыджыд вермөмөн, артмөгөн. Петкөдчас кө сідз шусяна ядро, комиён кө шуны ютырлөн «тусь», позяс водзмөстчыны.

Зэв бур лоө, сюрас кө көть өти морт, но организаторскөй сямлуна. Коді мед вермис ладмөдны ютырасян уджсө.

Медым политическөй организация эз киссьы, колё мед вөлі век помка водзмөстчыны, вөчны удж.

Та дырйи Кантэчанлы первойя кадас ыджыд акцияс оз ков вөчны, да и оз артмыны найө, Россияын политическөй оласногыс оз сет, авторитаризмлөн ыджыдалөм понда.

Деятельностьсө колё заводитны аддзысьлөмьяссянь, чукөртчылөмьяссянь, олөмын кутшөм-сюрө юалөмьяс донъялөмсянь, заявлениеяссянь, шыөдчөмьяссянь, ичөтик манифестторьяссянь да с.в. Медвойдөр колё примитны

коми кывлы ӧтка кана статус йылысь республикаса
веськӧдлысьяс дорӧ шыӧдчӧм-корӧм. Гӧгӧрвоана, власть
ӧвтыштчас гутысь моз, оз кут кывзыны, но ми долженӧсь
гӧгӧрвоны, мый вӧчам медводдза, но зэв тӧдчана воськов,
петкӧдлам мый ми эмӧсь.

Текст балаыс татшӧм:

Коми Республикаса Юралысь дорӧ,
Коми Республикаса Кансӧвет дорӧ,
«Кантэчан» («Канан Тэчан») ютырлӧн

ШЫӦДЧӦМ – МАНИФЕСТ

Сыкӧд йитӧдын, мый Россия Федерациялӧн
Конституция серти (5-ӧд статья) Коми Республика
лыддысьсӧ кананӧн.

Сыкӧд йитӧдын, мый Россия должен лоны збыльысь
Федерацияӧн, а абу фиктивной, мода вылас да ылӧдчанаӧн.

Сыкӧд йитӧдын, мый аскиалуныс абу империя, а
национальной канан сайын, код пытшкын сӧмын и позьӧ
лӧсьӧдны бур, зумыд да тыр правоа оласног, сетны йӧзлы
колана позянлунъяс. Историялӧн кӧльӧса вермӧ бергавны
сӧмын водзлань.

Сыкӧд йитӧдын, мый Коми Республикаса став олысьыс
этничность, религия, раса да мукӧд социальной
аслыпӧлӧслун вылӧ видзӧдтӧг артмӧдӧны Нацияӧс, мед кӧть
и нацияыс заводитчана тшупӧдын на сӧмын, но аскиалуныс
сетас позянлунсӧ интеграция вылӧ.

Сыкӧд йитӧдын, мый кык кана кыв йылысь индӧдыс,
кодӧс примитлисны ещӧ 1992 воын, эз сет водзӧссӧ, а сӧмын
падмӧдӧс да жебмӧдӧс вужвойтырлӧн кывлысь подувсӧ,
ӧтдортис-дзескӧдӧс сийӧс да вайӧдӧс быран выйӧдз.

Корам вынсьӧдны коми кывлы ӧтка кана статус сетӧм
йылысь индӧд.

Корам Коми Республикаса Конституциялөн статьясö, кодi вöрзöдö кыв политика, гижны тадзи: «Коми Республикаын кана кывйöн лоö коми кыв».

Коми кывлөн öтка кана статус оз висьтав, мый тайö дзескöдö мукöд кывъя йöзöс, торйөн кө рочөн сёрнитысьясöс. Кывлөн кана статус висьталö сöмын öтитор йылысь, мый республика кызд канан должен дорйыны вужвойтырлысь кывсö. Та дырйи гарантиуйтсьö став олысьлы, кутшöм көть этничностья сийö эз вöв да кутшöм көть кыв вылын эз сёрнит, öткодь право.

Коми кывлы öтка статусыс колö миянлы ставнымлы, не сöмын комиён сёрнитысьяслы, но и мукöд кывъяс вылын, тшöтш и рочөн. Медвойдөр тайö колö аския поколениеяслы, миян да тiян челядьлы, внукъяслы, правнукъяслы.

«Кантэчан» ютыр нимсянь кырымалiс...

Со татшöм документ менам чайтöм серти должен вынсьöдны ютыр. Сы улын пуктыны кык либö куим мортлысь кырымпас, идеологлысь, секретарлысь... Позис эськö и видео вылö гижны да интернетö выложитны-«вольсавны». Медводдза документ, кодöс колö йöзöдны Кантэчан ютырлы, – коми кывлөн статус йылысь. Мыйла? Сы вöсна, мый тайö медся тöдчанатор. Тайö подув! Тайö маркер сяма, пасйöд, кодлөн могыс тöдчöдны, мый ютыр эм, сийö котыртчис и сылөн эм зумыд нырвизь. И бöрйöм туйöдыс кутас восьлавны. Власть органьясö сийöс колö мöдöдны коми кывъя вариантын. Медым петкöдлыны, мый кывлөн статусыс – медтöдчанатор. Кытчö, кодарлань ми кутам синны. Медтöдчанаторсö колö пуктыны медвылыс тшупöдö да йöзöдны медпервойөн.

Дерт, некутшöм лача ни иллюзия абу, мый республикаса веськöдлан органьяс пыдди пуктасны корöмнымöс, кутасны кывзыны миянöс. Но шыödчöмсö быть колö ыстыны, медым петкöдлыны, мый ми водзмöстчысь войтыр. Тайö аслыспöлöс сигнал, месседж.

Мыйла ме сеті документгыслы «шыөдчөм-манифест» юрним? Медводдза вариантын вөлі прөстө «шыөдчөм». Сійө лөсялөджык бытгыө. Да и «манифест» кывйыс вывті ыджыд пафоса, вывті гораа юргысь. Кодкө оз гөгөрво.

Но ме серти, тайө документыс кутө кык пөвста мог, ортсыса да пытшкөсса: өти-кө, республикаса веськөдлысьяс дорө шыөдчана да мөд-кө, йөзөс ас гөгөр отувтана. Та вөсна «манифестыс» – лөсялана термин, сійө юөртөм кындзи пөртө олөмө ышөдана-туйдана мог, отувтө, аккумуляируйтө дзоньнас стратегиясө.

Воськовсө кө лоө вөчөма лючкия, документ улас кырымпасьяс чукөртөма, сэки позяс шуны, мый «Кантэчан» петіс политической эрд-авансценаө, лоис политической процесса субъектөн.

КАНТЭЧАН – ТАЙӨ ПОЗЯНЛУН, ШАНС!

Кантэчан лоө республикаын өтка организация, коді збыльысь вийсө чужан кыв вөсна. Буретш өтнас, пасьям өтнас, тышкасьө коми кывлы өтка кана статус сетөм вөсна. Сэсса некод оз. Став мукөдыс өвтыштчисны.

Кантэчан оз корсь медкокни туй, оз кут зільны кажитчыны быдөнлы любөй донөн, оз сетчы популизмлы. Öд зэв кокни вөлі эськө не кыпөдны кыв йылысь могсө, оз ков зэвтчыны, сөмын кывт ва визув кузяыс. Но тайө аски вайөдас лөкө.

Кантэчанөс позьө өткодявны морткөд, коді писькөдө выль лыжня. Со и восьлалө надзөникөн, сы вөсна мый лымйыс джуджыд да пашкыр, вөян сэтчө. А важ лыжняыс, кыті кокниа да тэрыба котралөны став мукөдыс, некытчө оз вайөд либө вайөдө пемыд вөрө.

Принципьяс да зумыд видзөдлас – со мыйысь ми огө өтдортчөй! Мөд петан туйыс абу!

Текстсö гижис – Василий Сажин

гортса телефон 24-58-03



